

瀛

環


志


略

阿非利加圖



加圖








麥西圖

土耳其東

地中海



阿非利加

阿非利加

一作亞非里加  
又作利未亞

一土在亞細亞之西南以羅經視之正

當坤申之位其地極廣約得亞細亞三分之一南北一萬八千里

東西闊處一萬六千里東距印度海西距大西洋海南抵大南海

東北距紅海北面距地中海中間有陸地一綫

地名蘇爾士一作  
蘇葉係麥西回部

地與亞細亞回部相連地雖廣而沙磧居半又當赤道南北炎燄

特甚瘴癘尤毒天時地氣人物在四大土中爲最劣其北境古多

名國今皆回部東境沿印度海迤北回族與黑夷雜居迤南皆黑

夷有葡萄牙埔頭南境銳入大南海地盡處之吸朴

俗名大  
浪山爲歐

羅巴東來必由之路有英吉利埔頭西境沿大西洋海迤北大漠



橫亘。迤南皆黑夷。有英佛米。葡荷。噠諸國。埔頭。其中央。迤北皆沙漠。間有回族。沙南乃見壤土。有黑夷部落。統計阿非利加一土。迤北多回部。皆從亞細亞轉徙而來。迤南皆土番。其種人或稱尼刻羅。或稱合丁突。一作疋。丁多的。或稱星卑巴斯。其人黑而蒙。諸國多賈爲奴。泰西人地圖三土皆有分圖。獨阿非利加分圖止有北境數國。餘皆缺畧。蓋其地氣毒劣。歐羅巴人亦不能通。歷部落之名大半得之傳聞。各部地界之廣狹亦約畧計算不甚確也。

阿非利加北土

阿非利加北土在紅海南岸者。地形自西北而東南分三國。曰麥西。曰努北阿。曰阿北西尼亞。

麥西。厄日多。扼入多。厄日度。埃及多。以古名厄日多在。至比多。迤志比多。伊揖。伊齊不托。

紅海地中海之間北臨地中海東臨紅海東北一隅與亞細亞之猶太阿剌伯相連西北連的黎波里西南連沙漠南界努北阿縱橫皆一千七百餘里地本沙磧有尼羅河從南方發源沿紅海之西岸北流入地中海兩岸塗泥淤爲良田河每歲一漲且糞且漑漲甚則災中則稔故近河之地阡陌雲連戶口繁密而去河稍遠則平沙浩浩曠無人烟地少陰雨沙漠薰灼炎氣逼人其立國在有夏之初時歐羅阿非兩土草昧未開麥西獨顯西土之制度文物皆其所創隣近諸部咸臣服有商中葉希臘諸國興而麥西之權分周末爲波斯所滅後爲希臘之馬基頓所取西漢時意大里之羅馬興麥西歸降爲屬國數百年唐初阿剌伯取其地由是爲

回回部落明初土耳其取爲別部。鎮以大酋。嘉慶三年佛郎西大將拿破侖攻克之。越三載復以其地歸土耳其。近年麥西酋叛土王自立爲國。土王以大衆征之。搆兵累年不能勝。麥西攻土耳其。東土諸部皆下之。土王告急於諸隣。波斯欲助土耳其。因脅取麥西爲藩部。義羅斯以大兵入土境。名爲救土。將隱圖之。英吉利佛郎西皆勒兵勸和。其酋乃還所侵地。復通貢於土耳其。其爲外藩地分上中下三土。上中兩土臨紅海。匝岸雙岡綿亘如夾巷。下土臨地中海。坦闊膏腴。支河交絡。爲麥上壤。共二十五部。曰加義羅。其都城也。曰給里烏波。曰北爾卑義斯。曰師卑。曰米加馬爾。曰芒蘇辣。曰達迷也。大曰給比爾。曰當達。曰美黎。曰美奴。曰內日勒。曰福

阿曰達馬奴爾曰亞勒散得黎亞曰德基塞曰亞德非曰白尼隋  
弗曰發雅曰迷尼亞曰蒙發祿曰西干德曰齊爾曰日給內曰挨  
斯內埔頭之最大者曰亞勒散得馬基頓王亞勒散得之所建也  
昔爲地中海第一埔頭今仍爲著名港口其國居民二百五十萬  
居都城者三十萬兵十二萬大戰艦十四隻兵多餉重賦斂煩苛  
民不聊生地產穀果麻靛蠶蜜棉花藥材

泰西人述麥西古事云洪水之後有鼻祖曰諾威居於美索不

達迷亞

在亞細亞今  
東土耳其地

生三子長曰僧次曰剛次曰日肥德剛有

子曰迷斯拉應於夏后啟七歲建國於亞非利加之北境曰厄  
日多始教民以穡事設職官造文字又建立四部曰德巴斯曰

德利曰門非斯曰達尼斯數傳至亞罷耶當夏后不降之五十  
七歲波斯王札的勞摩初肇兵端率衆寇厄日多厄日多未習  
兵事蒼黃走避波斯大掠而去亞罷耶率衆追之奪所掠而還  
由是始講武備兼修法度諸小國翕然翼戴尊爲大主嗣位者  
多賢哲益修典制分品類立官舍建倉廩宴然康阜者蓋數百  
年是時歐羅巴一土皆土番散處榛莽未變有夏之末亞細亞  
人義納孤始抵希臘教其民以人事一云商盤庚年間迦南人  
桔木始教之未知孰是  
昏蒙猶未盡洗至商王外壬二祀厄日多人灑哥落率其邑灑  
的斯人抵希臘之雅典建爲亞德納斯國一作亞地拿始廓然大變  
其俗自是希臘諸國日漸昌熾而厄日多聲靈稍替矣厄日多

傳至亞美奴非斯渡紅海溺死。商王祖辛十二祀西索斯的黎  
嗣位。刻厲自修武功文治。極一時之盛。號爲中興。子孫繼緒。仍  
爲西土大國。又傳七百餘年。日就衰弱。至波哥黎斯爲波斯王  
岡比斯一作乾庇西所滅。時周威烈王十六年也。厄日多隸波斯數  
十年。希臘之馬基頓王亞勒散得。以大兵伐波斯。取厄日多。亞  
勒散得殞於軍。大將伯德羅墨率所部據厄日多。自立爲王。西  
漢時羅馬征服之地。隸羅馬者數百年。唐初摩哈麥興回教於  
阿刺伯。厄日多與之接壤。遂爲所奪。初厄日多爲西土建國之  
祖。文物之盛。諸國無與比。都城有大庫藏書七十萬冊。稱西土  
藝林。迨爲回部所破。取其書爲薪爨飯。遂等秦皇之一炬云。都

城外有古王塚數處。皆基闊頂銳。棺內貯香油。屍數千年不腐。有一塚基闊五里。高五十丈。頂似峯尖。中有洞深三丈四尺。闊二丈七尺。內藏石棺一。不知何代何王所造。西土以爲異觀。南懷

仁字內七大宏  
工記有此塚

努北阿

奴北阿。怒北。紐必阿。

在麥西之南。東枕紅海。南接阿北。西尼亞哥。

爾多番。西連尼給里西亞。長三千里。廣二千里。東南峻嶺重疊。川谷相間。西北沙漠遼絕。尼羅河上游諸水灣環。匯注河濱。多沃壤。餘皆不毛。地氣酷熱。甚於麥西。古時本麥西南境。自回部割據之後。散爲數小部。道光二年。歸麥西兼轄。居民皆回回。別有野番。以刼擄爲生。行旅時見剽劫。又誘畧努北子女。賣於麥西。麥西不能

鈴制之也。地分四部。各有酋長。曰努北阿。曰當哥辣。曰塞那爾。曰札日斯。地產麻烟米酒二麥甘蔗棉花檀香烏木象牙金砂駝馬尤良。

阿北西尼亞。

阿八思尼阿○哈北○阿邁斯尼○亞毘心域○馬八兒

在努北阿之南。東枕紅

海。南界亞德爾。長二千三百餘里。廣二千餘里。山嶺盤迴。岡陵錯

雜。有大水曰巴勒那塞各。又名藍河。下游匯於尼羅。土田肥沃。地

氣溫平。惟近紅海一帶頗炎燥。多迅雷。多雨。自五月至十月。陰霖

居半。行旅艱於跋涉。自古為土番部落。不通上國。故沿革無考。相

傳其國舊制。王族皆聚處高山之上。不與國人交接。以防異謀。有

嗣位者。方許下山。否則禁錮終身。所奉者天主教大秦二教。

大秦教即波斯



舊秦之火祿教大秦之名俗好爭鬪殺掠食牛不宰。鬻割而生啖。乃唐人訛傳詳波斯圖說。之別有野番穴地而居捕蟲豸爲食得野獸食其肉纏其腸繫其蹠於身以爲觀。美國分七部各有酋長曰的給勒曰公達爾曰昂哥卑爾曰昂合拉曰昂哥曰那勒亞曰薩馬拉產二麥粟米麻蜜棉花木料山中多獅豹山狗。

按北亞非利加之東偏地多沙漠本不毛之土獨麥西得尼羅河之淤灌變爲沃壤其西北境之蘇爾士又作蘇葉又與阿剌伯猶太接連故東方夷族上古時卽轉徙至此其創制規爲遂爲歐羅巴開風教之始。歷數至一千數百年可謂盛矣。惟立國鳩民僅傍尼羅河蜿蜒一帶無地可擴無險可守故波斯希臘羅馬

諸大國興麥西恒爲之臣。迫回部。既強。遂爲所吞噬。而名土變。羶俗矣。努北阿本麥西南部。其種人雖雜野番。而自古別無立國。阿北西尼亞不歐不回。自古爲土番部落。或謂其國尙有規模。不至如泰西人所云之荒陋。然較之麥西。不啻有華夷之別矣。又元世祖時。馬八爾俱藍兩國曾入貢。馬八爾卽阿北西尼亞。俱藍似卽努北阿。是爲阿非利加通中國之始。由西印度西行。有小島曰亞丁。英吉利之所據也。由此入紅海。西北行四千里而港盡。至麥西之蘇爾士。行旱路一百七十里。卽地中海之東南隅。再舟行七千里。出直布羅陀海口。卽大西洋海較之紆迴南向繞阿非利加之西境至極南之岷朴而始。

轉。舵。東。北。者。計。里。約。減。二。萬。計。程。約。近。一。月。惟。蘇。爾。士。隔。旱。路。一。百。七。十。里。舟。楫。不。能。通。行。海。國。聞。見。錄。謂。恨。不。用。刀。截。斷。者。卽。指。此。也。近。年。英。吉。利。製。火。輪。船。遞。送。文。書。由。印。度。海。駛。至。亞。丁。入。紅。海。至。蘇。爾。士。行。旱。路。至。地。中。海。東。南。隅。彼。處。有。火。輪。船。接。遞。西。駛。出。直。布。羅。陀。海。口。火。輪。船。行。駛。甚。速。不。畏。風。浪。而。計。程。又。近。二。萬。里。故。五。十。日。可。達。英。倫。國。都。自。明。以。前。歐。羅。巴。通。中。國。皆。由。此。路。說詳回部四國阿。非。利。加。北。土。在。地。中。海。南。岸。者。東。西。長。約。萬。里。南。界。撒。哈。拉。大。漠。綿。延。如。帶。迤。東。多。沙。磧。迤。西。山。嶺。錯。雜。古。時。總。名。美。的。德。拉。虐。成。周。中。葉。有。非。尼。西。亞。國。者。由。希。臘。遷。居。於。此。名。其。國。曰。加。爾。達。

額。一作迦大其擅地中海之利權。富強無敵。又有奔多入占爾達兩部。

亦強國。詳意大里國說西漢初皆為羅馬所滅。地屬羅馬者數百年。唐初

回教興於阿剌伯。兵力方強。既得麥西。漸拓而西。地中海南岸諸

部。蠶食無遺。又渡海侵西班牙。割其國十分之八。時葡萄牙係西

立後阿剌伯衰。諸部半為土耳其所奪。地分四國。迤東接麥西者。

曰的黎波里。迤西曰突尼斯。皆土耳其屬國。再西曰阿爾及耳。舊

屬土耳其。今歸佛郎西。極西抵地中海口門者。曰摩洛哥。係紅帽

回回。不屬土耳其。

的黎波里。的黎不里。特利破里。直波里。在麥西之西。土耳其屬國也。長四千

里。廣二千五百里。夷坦無山。有大河曰的內。兩岸頗有腴壤。餘皆

沙漠沙中間有片土生茅草回族游牧其中騎健駝四出剽掠隣境患之國有王世繼仍請命於土耳其分四部曰的黎波里其都城也建於海濱曰巴爾加曰非三曰亞達美地氣酷熱晝暑夜寒多歉歲土產皮羽蠟棉花硫磺滑石丹參金砂

突尼斯

都尼斯土匿

在的黎波里之西亦土耳其屬國地形北出東北

兩面皆臨地中海長一千五百里廣八百里地勢平坦沙磧居多沿河之土極腴海濱鹵斥乏淡水戶口三百餘萬皆安居貿易無劫盜之俗稱回部善國王不世及由衆推舉仍請命於土耳其地分兩部曰的里幾亞曰達拉幾斯都城建於波加斯湖濱高阜之上與國同名居民十萬多以織布爲業地氣濕熱產穀麥橄欖油

兼產銀銅錫蠟水銀礪砂。獸多獅猴獐山狗。歐羅巴各國皆與通商。

阿爾及耳。

亞爾日耳  
阿利額

在突尼斯之西。舊亦土耳其屬國。今爲佛郎

西藩部長二千一百餘里。廣一千八百里。山巖嶄峭。岡阜紆蟠。東南峯巒插霄漢。常積冰雪。沿海山坡斗削。躋攀不易。境內多沙磧。而土最膏腴。白回族割據之後。農功疎惰。田多荒蕪。先是阿刺伯回族據西班牙七百餘年。生齒逾數百萬。明初西班牙北部起兵。恢復回族多逃回阿爾及耳。後西班牙復驅逐降回百餘萬出境。大半亦轉徙入阿爾及耳。回民失業流離。攘袂餬口。習爲盜俗。陸則飛騎馳騁剽掠行旅。水則飛艇出沒截刦商船。數百年來爲地。

中海之大患。佛郎西英吉利堅嘗會舟師勦之。登岸攻畧。戮其人。不取其貨。回族震懼。斂迹數十年。已而復肆。道光初。佛郎西以大兵征之。破其都城。回族逃遁沙野。佛以大酋鎮之。治其民以佛法。盜蹤稍斂。回族之在沙野者。時時飛騎侵掠。佛以重兵防守。所費甚鉅。近年回酋復聚大眾來攻。欲圖興復。爲佛所破。戮其酋。其地戶口三百萬。舊分七部。曰阿爾及耳。其都城也。建於山坡。曰岡士丹的納。曰馬斯加拉。曰的德利。曰薩布。曰卑爾北耳。氣候溫平。多地震。產五穀果實。又產金銀鐵錫礬硝珊瑚。

摩洛哥

馬羅各○馬落可○摩樂哥

在阿爾及耳之西北。枕地中海。西距大西

洋海南抵撒哈拉大漠。地勢由東北而西南。長二千五百里。廣一

千五百里。有大山曰亞德拉斯。橫亘國中。沙磧環匝。田少而腴。穀果皆宜。駝馬亦蕃。庶夏令酷熱。海風解之。沙漠薰氣。峻嶺蔽之。故地氣溫平。人少疾疫。居民六百萬。皆紅帽回回。舊本阿刺伯屬國。土耳其既興。海南諸部。席卷無遺。獨摩洛哥。以寫遠。獲全。而阿刺伯衰弱已甚。無復羈縻。遂獨立爲海西回國。俗好擄掠。擄得他國之人。強令入回教。從則釋。否則囚錮爲奴。近年英佛兩國之人。遭擄禁者數千。兩國以兵船攻之。圍其都城。其王震恐。盡釋被擄者。由是稍稍斂迹。國有王。分六部。曰摩洛哥。曰非斯。曰蘇斯。曰達拉哈。曰達非勒。曰西日爾美塞。都城舊在摩洛哥。近遷於非斯部之美幾內斯。其俗以布纏身。上束帶。巾包頭。戴紅帽。著各色履。腰插



刀劍跨鳥鎗。好馳馬角勝。習射頗精。閑婦女甚嚴。出門帕蓋全身。惟露兩眸。禁食豬肉。禁飲酒。喜吸烟。烟以麻葉爲之。地產銅錫白蠟藥材棉花木料。通商不廣。

泰西人記非尼西亞古事云。非尼西亞古商賈之國。自夏以前。西土之人。老死不相往來。有夏中葉。智者始創舟車。貿遷有無。居積財貨。以此致富。西土名其人曰非尼西亞。譯言客商也。始居於巴尼斯的納海濱。後有立國於希臘者。曰德巴斯。詳希臘圖說

希臘隘不能容。周厲王十年。有遷於地中海之南岸者。曰美的。

德拉虐。

一作墨力特爾勒尼安

卽譯言地中海也。定都城於土羅。

卽今突尼斯地

更國名曰加爾達額。

一作迦大其

時地中海南岸荒穢未辟。人戶稀

疎非尼亞人出其貨財。建城邑。立市廛。墾田野。四方無業之民。羣往歸之。益治舟楫。流通百貨。地中海南北兩岸利權大半歸其掌握。復跨海辟西班牙。建爲藩部。國富兵強。一時無抗顏行者。越數十年。而意大里之羅馬。與羅馬初興甚微弱。且不習兵事。加爾達額視之。蔑如。地中海有二大島。曰哥爾塞牙。一作可耳

西加又作郭士喀

曰薩爾的尼亞。

一作沙力尼阿又作撒地尼又作撒丁

皆附近羅馬。加

爾達額據之以逼羅馬。羅馬不敢爭。又西治里島。

一作西基利又作西西里

亞與羅馬南境相接。本屬羅馬。加爾達額以兵力強奪之。羅馬

亦不能取。由是益驕。周顯王年間。希臘之馬基頓王亞勒散得。以大兵伐波斯。游兵至加爾達額。攻破土羅。屠八千人。國幾亡。

從此聲威頓削而羅馬日益強先是羅馬習陸攻不習水戰加爾達額勝則進攻失利則張帆颺去羅馬無奈何加爾達額有戰艦穿漏拋泊海岸羅馬得之倣其式三月而造成百艘有義畧都者講求駕駛之法簡勁卒練爲水軍往來海道日益嫻熟由是與加爾達額爲勍敵加爾達額嘗侵羅馬虜其將勒孤羅押送羅馬營請易俘囚羅馬帥惜其才將許之勒孤羅張目叱之曰亡羅馬者諸君也出戰被俘本國從無救贖之例乃欲以一人壞國法耶毅然反敵營大罵而死羅馬軍人人雪涕勇氣百倍加爾達額敗績遁去遂奪回三大島加爾達額有夙將阿迷利加爾與羅馬血戰數十年稱爲能軍有子曰漢尼巴

一作阿尼

巴幼敏慧。嘗詢父以兵法。父戲之曰。爾能矢志滅羅馬。當授爾。  
漢尼巴。卽設誓於入必德爾之前。古時各國所奉宗祖之神未詳何時人阿迷利。

加爾悉以韜畧授之。漢尼巴既長。謀勇過人。伐羅馬。屢奏捷。年  
二十五。拜爲大帥。合西班牙之兵。大舉伐羅馬。登舟慷慨。酹酒  
海中。曰。不滅大敵。有如此水。師抵羅馬南境。破其邊城。乘勝急  
攻。銳不可遏。羅馬軍四戰。四北。南境諸城皆陷。遂渡厄伯洛河。  
越比勒鈕阿爾比斯峻嶺。長驅直進。勢如風雨。羅馬屬部西拉  
古薩亦叛。附加爾達額羅馬大震。羅馬大帥發比約馬西摩與  
衆謀曰。虜氣方盛。難與爭鋒。客兵利速戰。宜堅壘以老其師。而  
別以奇兵襲其後。乃閉城拒守。爲卑辭以緩攻。而遣別將馬爾。

塞羅收復古西薩拉城。因伏兵邀其歸路。又遣西比揚潛以舟師渡海襲土羅。土羅兵少。告急於漢尼巴。是時漢尼巴與羅馬軍相持日久。食垂盡。聞都城警報。急撤兵回救。發比約馬西摩率勁兵潛躡之。而馬爾塞羅伏奇兵突出。邀擊漢尼巴。前後受敵兵大潰。死傷山積。棄輜重登舟。急發西比揚偵其將至。率舟師邀擊於海中。焚斬殆盡。漢尼巴以單舸乞援於西里亞。一作敘里亞西里亞者。亞細亞大國。時希臘諸部爲羅馬所困。亦求救於西里亞。其王安的約哥帥師救希臘。爲羅馬所敗。狼狽東走。羅馬軍踵至。圍攻安的約哥。納土降。漢尼巴仰藥死。希臘諸國皆降。羅馬由是加爾達額孤立無援。屬部多離畔。自知亡在旦夕。

顧以夙稱大國。取於納款。漢景帝十年。羅馬以大兵伐加爾達。額圖土羅。土羅堅守不下。截婦女髮爲弓。弦羅馬軍死者千餘。羅馬有大將。冒矢石進攻城將。陷加爾達。額圖城舉火自焚。羅馬毀其城爲平地。因分兵畧定海南諸部。復回兵征西班牙。西班牙亦降。非尼西亞遂亡。

按亞非利加北上。在紅海西南岸者。近亞細亞。故開風氣獨早。在地中海南岸者。近歐羅巴。故非尼西亞啟疆於前。意大利亞。耘耨於後。迨回部既強。噬滅殆盡。麥西既隸。土耳其曩時文物之盛。已掃蕩無遺。而地中海南岸諸部。乃半化爲蹢躅之巢穴。時勢之變遷。可慨也夫。

阿非利加中土

阿非利加中土。迤北沙漠橫亘。稱爲撒哈拉。又名麻木爾。東西九千里。

南北三千里。風起則天地昏暗。沙隨處堆積。爲邱陵。天氣酷熱。無滴水。無一枝之蔭。行路者往往喘息死。或爲風沙噎斃。行沙中皆用駝渴極。不得飲。則殺駝吸其血。或飲其胃中之存水。中間偶遇片土如海中之洲。島有水泉草木。行旅賴以存濟。東偏沙中有回部。二曰哥爾多番。曰達爾夫耳。再南行盡沙漠。復見壤土。有河道。溪澗。草木暢茂。人皆黑番。亦從回教。部落甚多。總名曰尼給里西亞。

哥爾多番在努北阿之西南。長約一千五百里。廣約一千二百里。

北境沙漠環繞。南界山陵錯雜。火峯時吐烟。燄地氣炎熱。有大河貫國中。曰巴勒比亞。兩岸多沃田。種宜黍稷。居民皆奉回教。國無王。鈐以頭人。爲麥西所役屬。會城曰疇卑德。別有城曰巴拉。爲商賈萃集之地。產棉花鐵器。

達爾夫耳。

一作他弗

在哥爾多番之西。長約一千二百五十里。廣約八

百里。北境沙漠居多。南界有腴壤。樹木成林。地氣熇烈。土宜黍稷。

居民皆回回。俗重農功。每歲國王率酋長躬耕。以勸農事。

此禮乃見於此

地亦異事也

貿易頗盛。邊境多暴客。商旅皆結隊以行。每隊千餘人。駝

數千行。宿如營陣。都城曰哥卑。國王居於爾發捨耳。土產黃麻。胡椒。烟葉。象牙。木材。香料。又產玉紋石。硝磺沙。



尼給里西亞。又名蘇丹。在撒哈拉大漠之南。南接岳山。亞非利加之中。原也。長約六千里。廣約四千二百餘里。地形坦闊。湖河與沙磧相間。河濱田多。膳腴。穀宜稻黍。材木果實蔬菜皆備。地近赤道。炎氣蒸爲瘴癘。多毒蟲惡豸。他國人到輒病死。故自古未通。別土英吉利嘗遣人探之。或染瘴死。或爲土番所殺。迄不得端耗。又用火輪船從尼爾河下游駛入。水手半死亡。無所聞見而歸。地分二十二部。曰波爾奴。曰巴也爾美。曰北爾古。曰桑加拉。曰不勒。曰岡干。曰窩那蘇勒。曰上邦巴拉。曰下邦巴拉。曰馬昔那。曰巴難。曰的勒南。曰丁不各都。曰牙烏利。曰尼非。曰波爾古。曰牙黎巴。曰北凝。曰瓜。曰公。曰加拉那。曰達公巴。諸部各有酋長。不相統轄。時時

相攻。獲俘則以爲奴。土番皆黑面。奉回教。男好逸。耕作貿易。皆女爲之。娶數婦則致富。其酋各有婦數百。土產麻棉烟靛象牙金沙皮革。

按阿非利加中土。迤北沙中兩回部。皆由北方轉徙而來。與北土之的黎波里諸部同。沙南地沃而廣。黑番各分部落。而水土毒惡。人類粗頑。好事如英吉利。舟車數往。博望無功。竟不能得其詳也。

### 阿非利加東土

阿非利加東土。係印度海之西岸。自紅海口門之外。地形由東北斜削而西南。長約九千里。迤北回族與黑番雜居。迤南皆黑番地。

多金沙藥材。土番探之以當錢幣。極東北曰亞德爾。其南曰亞然。

再南曰桑給巴爾。再南曰莫三鼻給。其西南曰麼諾麼達巴。

亞德爾。一作亞占在北土阿北西尼亞之東南。當紅海印度海之隅。商

舶罕至。故疆域之廣狹未詳。西南重岡疊起。東北平原廣闊。河流

交貫。隴畝肥饒。穀宜黍稷。地氣炎燥。乏陰雨。居民皆土番。奉回教。

地分數部。各有酋。與阿北西尼亞時有兵爭。產金沙乳香胡椒象

牙。

亞然。一作然貴巴在亞德爾之南。長約一千九百里。廣未詳。北境多山。

東境磽瘠多沙磧。西南人迹罕到。沿海所居皆阿剌伯回族。以貿

易爲業。面色差白。內地皆黑番。以牧獵爲生。國分十數部。各有酋。

不相統轄。其大者曰巴拉瓦。城建海濱。有深澳。便於泊船。貿易頗盛。土產香料爲多。

桑給巴爾。在亞然之南。長約四千里。廣約七百里。沿海窪下。林木叢雜。野象成羣。多恠禽奇獸。內地山嶺台沓。西南一帶尤聳峭。江河迴繞。土田肥磽不一。地氣酷熱。多瘴癘。居民皆黑番。奉回教。地分數十部。不相統攝。其大者曰幾羅阿。曰蒙巴薩。即唐書之老勃薩。曰美林德。一作墨林他。即唐書之磨隣。曰馬加多朔。餘皆冗雜小部。土產穀果金銀。

銅鐵糖蠟棉花象牙鳥羽木料藥材。貿易頗盛。

莫三鼻給。

摩散北。唐山密。

在桑給巴爾之南。長約四千四百里。廣約一

千里。岡阜重疊。叢林環繞。象多如牛。馬金礦金沙。取之不竭。土田

膏腴穀果豐碩。惟地多瘴癘。不便居棲。居民皆黑番。奉回教。其部落有馬古阿蒙如木新卑等名。冗雜零散。不相統攝。內有葡萄牙所辟之地。凡七處。曰莫三鼻給。駐有大酋。總轄諸處。曰給林卑。曰幾里馬內。曰塞內。曰索發拉。一作所服刺曰義能巴內。曰羅林索馬爾。給斯近年葡勢衰弱。貿易無多。惟以販賣黑口爲事。墨門各夷館所用黑奴。皆從此土販來。

麼諾麼達巴在莫三鼻給之西南。廣長皆約一千里。山嶺盤匝。江河迴繞。沿河多腴壤。穀果繁碩。草木昌茂。地氣炎熱。不便居棲。舊本黑番大部。有番王統攝。後遭寇亂。散爲數小部。惟麼加耶瓜一部最強。土產金鐵象牙甘蔗樹膠。

按唐書。巨拂錄西南度磧二千里。有國曰磨隣。曰老勃薩。其人黑而性悍。地瘴癘。無草木。今考磨隣卽美林德。老勃薩卽蒙巴薩。皆在桑給巴爾境內。是爲史籍言阿非利加之始。所云度磧二千里無草木。乃指自猶太卽拂錄至兩部之路。計程不止二千里。史蓋約畧言之耳。

### 阿非利加西土

阿非利加西土。由地中海口門之外。地形折而南。下面大西洋海。數千里盡屬沙漠。過此地形缺折而東。又轉而南。漸斜削而趨南土。其迤北沙漠之地。曠無人烟。迤南當赤道南北。壤土廣厚。潞澤迴環。茂草輻輳。叢林陰翳。毒霧蒸爲瘴氣。曉夜昏濛。異國人久居

輒病死不死亦成痼疾其土人面黑如墨染高顴扁鼻厚唇鬚髮  
拳縷似骨重羊毛混沌無知近禽獸衣好華彩半裸其體不蔽陰  
陽用金珠象牙遍身懸綴以爲美觀相聚則婆娑跳舞男女隨意  
雜配種族無別耕作者少掘食草根如芋薯土肥沃自生長居草  
寮或結巢於大樹藉草席器用瓦壺祀樹木禽獸爲神每殺仇人  
祭之又有能作妖術者無銀錢以貨易貨值饑乏族類自相攻擄  
獲生口賣以爲奴各國之船往來販鬻每船輒二三百人如貨豕  
畜諸國所用黑奴皆此土人取其愿樸且黑醜無艾豸慮販往亞  
墨利加者尤多用以灌園耕田種加非造白糖如牛馬然終身力  
作不怨不逃其地物產甚多土人不解搜採出各項果實又有樹

油可造香。鹼林內獐獺猿猱。往來跳擲。虎豹獅象。時時遇之。蛇之多。大者如巨桶。能吞人畜。歐羅巴諸國。心豔其土。而畏瘴癘。不敢深入。僅在海濱。設立埔頭。期於日漸墾拓。就其物產爲地名。有穀邊。象邊。金邊。奴邊等名。黑番部落甚多。大勢分三域。曰塞內。岡比亞。曰幾內亞。曰公額。

塞內岡比亞。在撒哈拉大漠之南。西距大西洋海。南界幾內亞。東

界尼給里西亞。長約二千七百餘里。廣約二千里。境內大水二。皆

西流入大西洋海。北曰塞內加爾。一作西尼甲南曰岡比亞。一作威比亞合

兩水以名其地者也。平坦無山。墳壤與沙磧相間。田土膏沃。穀果皆宜。地近赤道。酷熱多瘴癘。由五月至八月。陰雨連綿。暑氣稍減。



土番黑面卷毛。皆奉回教。地分二十小國。其酋或世傳。或公舉。不相統攝。曰弗達多羅。曰弗達日羅。曰弗拉都。曰加孫。曰奔都。曰牙尼。曰弗義尼。曰烏黎。曰登的里亞。曰分達。曰加疴爾達。曰邦不各。曰薩隆。曰加不。曰日約羅弗。曰新。曰烏阿羅。曰巴爾。曰加約爾。曰薩倫。土產金銅鹽琥珀紋石象牙。塞內加爾河口有佛郎西創關之地。凡三處。曰甚盧義斯島。曰哥勒亞島。曰烏阿羅。佛人建砲臺。設埔頭。與黑番交易。以布疋易金沙樹膠。每歲貨船約三十隻。凡佛船赴亞細亞。必至哥勒亞收泊。岡比亞河口有英吉利埔頭。立商館。包兌包送。以兵船巡海口。捕畧賣黑奴者。幾內亞在塞內岡比亞之南。西南距大西洋海。東至義的約比亞。

沙。東北界尼給里西亞。長約八千里。廣約三千里。海濱地形窪下。烟瘴甚毒。有大河曰尼日爾。發源尼給里西亞。至幾內亞南界入海。北境有大山綿亘。與塞內岡比亞分界。又有公山。爲尼給里西亞塞內岡比亞分界之地。地當赤道之北。驕陽亭午。石鑠金流。行人往往暍死。賴五月至九月時時陰雨。否則無噍類矣。土脈肥饒。草木暢茂。穀果皆宜。黑番混沌。拜禽獸爲神。較之塞內岡比亞尤爲荒陋。惟以擄賣人口爲事。耕作皆女爲之。地分數十部。其較著者曰的馬尼亞。曰古郎哥。曰蘇黎馬那。曰加不蒙德。曰桑固音。曰加瓦利。曰亞干的亞。曰達疴美。曰亞爾達拉。曰巴達給里。曰拉各斯。餘皆冗雜小部。土產黃金。珊瑚。琥珀。紋石。甘蔗。烟葉。香料。西

北境有英吉利新闢之地。在岡比亞河之南。曰塞拉勒窩內。

一作西爾

拉釐阿尼

又名獅山。岡阜重疊。林木陰翳。有瘴氣。產象牙。油。皮。蠟。木料。

樹膠貿易頗盛。又開學館。以耶蘇教化其黑番。迤南有米利堅新

闢之地。曰奕尼。

一作危尼。又在門蘇拉多河濱。

曠畧賣之。黑奴居

之。教之耕作。轉而東南。有英吉利新闢之地。曰哥斯建斗羅。又名

金邊。金沙極多。又產棉花。藍靛。樹膠。白蠟。皮革。貿易極盛。惟地氣

酷熱。人不能堪。此外有荷蘭埔頭。曰厄爾迷那。又有噠國埔頭。曰

給里斯的巴爾。各地皆彈丸各屬數小城。

公額。

一作公我

在幾內亞之南。一名下幾內亞。西距大西洋海。南界星

卑。巴西亞東抵日牙加。長約三千八百里。廣約一千四百里。東境

山岡重疊。萬派發源。河之大者曰公額。因以爲部落之名。公額河  
縈繞四境。土田藉以肥沃。地當赤道之南。炎蒸與幾內亞同。黑番  
土俗亦相類。地分二十一小國。曰羅昂額。曰公額。曰奔巴。曰薩拉。  
曰莫盧。曰阿斯。曰虎美。曰加三。曰岡。曰白拉。曰何。曰何羅和。曰日  
仍。加。曰幾蘇。阿。曰古達多。曰古凝加。曰當巴。曰里波羅。曰幾薩。罵。  
曰塞拉。曰白倫多。曰難諾。曰比黑。土產銅錫。甘蔗。胡椒。薯粉。象牙。  
西境有葡萄牙創闢之地。凡二部。北曰昂疴拉。南曰奔給拉。產五  
金各礦。其商船往來。專以販賣黑口爲事。

按阿非利加西土。北境大漠橫亘。迤南故沃土也。黑番愚懵。無  
經營創造之能。遂至人禽雜處。長此榛狉。歐羅巴諸國。睥睨多

年阻於毒瘴。僅於海濱營立埔頭。而未能廓清墾拓。如米利堅故事。亦斯土之不幸也。番族蠢蠢。以人口爲奇貨。以畧賣爲恆業。而貧弱如葡萄牙。竟以販鬻人口爲利藪。則尤不足道也已。

阿非利加南土

阿非利加南土。由東西漸削如筍。至極南乃齊平地。形作東西之勢。東面距印度海者曰加弗勒里亞。西面距大西洋海者曰星卑巴西亞。曰疴丁多的亞。極南地盡之處。距大南海曰加不。

加弗勒里亞。

一作喀士列里

在東土莫三鼻給之南。東距印度海。西連疴

丁多的亞。西南接加不。長約四千里。廣約一千里。迤西沙漠居多。水泉缺乏。東方巒嶂重疊。山谷中壤土腴厚。叢林茂密。獸多獅象。

豹、羚羊、水牛、鳥多、鷹、鷲、海多、鰐、鱷、海馬、黑番、長大有力、惟務稼  
穡、部落甚多。在海濱者有古薩當、不給忙、不給等部。在內地者有  
比里加達爾馬、哈巴羅隆馬、盧的西馬、著馬、幾尼等部。土產金、銀、  
銅、鐵、珊瑚、琥珀。

星卑巴西亞在西土公額之南。西距大西洋海。南界疇丁多的亞。  
長約二千七百里。廣未詳。地形平闊。沙漠中間有片土。亦甚磽薄。  
獸多人少。黑番轉徙無常。不成部落。在阿非利加一土中。最爲荒  
瘠。地無物產。其種人卽名曰星卑巴斯。

疇丁多的亞。

一作合丁突

在星卑巴西亞之南。西距大西洋海。東至加

弗勒里亞。南接加不。長約二千五百里。廣約二千二百里。南北多

山嶺中間沙漠橫亘。墳壤無幾。海濱窪下。土脈膏腴。物產頗豐。地氣溫平。不似迤北之酷熱。惟颶風時作。猛烈異常。羽毛虫鼠蟲蛇。毒惡異國。人未敢托足。黑番名疴丁多的。多以牧畜爲業。息於農事。部落甚多。各有酋。不相統攝。其較著者曰哥拉那。曰那馬瓜。曰達馬拉。曰不書阿那。曰波支斯曼。

加不。一稱吸朴。

一作岬阿穩曷朴。又作好望海角。

在阿非利加極南地盡之處。東

西齊平。東爲印度海。西爲大西洋海。南爲大南海。長約二千里。廣約一千里。城建達勒與良二山。之麓。俗名大浪山。其地時序溫和。卉木繁盛。牧場寬廣。牛羊孳息。穀麥堪出。糴種葡萄。釀酒極甘。迤北半係沙漠。每風起雲合。黑氣迷漫。產獅象虎兕鹿。鹿河馬。

河馬有角。

可作刀柄。又產長頸鹿與駝鳥。長頸鹿頸長於身。駝鳥似鸕鷀而高大。兩足似橐駝。即漢書所云大馬。爵波斯。

印度天方一帶皆有之。非獨產此地也。

土人短身黑面。穴地而居。得野獸則生食其

肉。前明時葡萄牙泛舟東來。始識其地。後荷蘭踵至。營立埔頭。徙國人而耕之。捕土人爲奴。歐羅巴諸國商舶東來。必寄泊於此。流寓皆荷蘭人。半以牧畜爲業。內地沿溪傍河。亦有聚落。而沙磧圍繞。往來甚遠。駕犢車行沙中。往往中道渴死。故地界迴環數千里。而戶口不繁。嘉慶十年。英吉利以兵船奪取其地。在海濱別開埔頭。

按阿非利加南土之岬。

番謂山之盡頭。處曰岬。

爲歐羅巴東來必由之

路。其地形銳入大南海。海水至此而迴。薄風濤猛烈異常。舟楫



易於損壞。不得不謀修葺之所。又長途水米或缺。必須接濟。荷蘭之墾闢此土。蓋有所不得已焉。從前大西洋商舶東來。至峽朴必收帆寄碇。故物產雖微。而獨爲東道之逆旅。英吉利之奪取惡荷蘭之獨當衝要耳。近年歐羅巴諸國海道愈熟。行駛迅甚至峽朴揚帆徑過。收泊者十無二三。則亦無關重輕矣。其土惟極南濱海之處稍沃。可以耕牧。迤北則平沙沒胥。固亦不足貪也。

阿非利加羣島

馬蘇阿島。在紅海中。附近北土之阿北西尼亞。土耳其所屬烟戶無多。而泊舟穩便。貿易頗盛。

幾羅阿島。蒙非亞島。桑西巴爾島。奔巴島。索哥德拉島。在紅海之外。印度海中。廣長二三百里不等。皆阿刺伯所屬。產香料。象膽。硃砂。

馬達加斯加爾大島。

一作馬大狎甲。又作墨勒阿。土喀。又作聖老佐。楞大島。

在印度海東南

方。與東土之莫三鼻給相近。長約二千八九百里。廣約七八百里。有高山綿亘如脊。萬笏紛排。瀑布飛流數百仞。峯之最高者。北曰維加哥拉。南曰昂巴的美內。山東西平原坦闊。溪澗交縈。田土肥沃。穀果豐碩。清勝爲阿非一土之最。惟地氣炎熱。海濱沔澤。居半瘴癘。觸人異國。人不能耐。居民皆黑番。從回教。自古別爲一國。無所羈屬。佛郎西嘗謀取其地。屢圖之而未得也。地分數十部。不相

統攝其大者曰疍瓦斯曰塞哥拉瓦斯曰安達瓦爾斯曰卑定薩  
拉曰卑達尼美內曰安達美西餘冗雜名不盡著土產絲麻蜜蠟  
竹蘇木甘蔗樹膠青黛烟葉白胡椒沙穀米山中銀銅鐵錫黑鉛  
水銀各礦皆備寶石水晶亦所在多有土番不解搜採惟知攻鐵  
而已。

毛里西亞島。

一作冒勒突  
又作妙哩士

在馬達加斯加爾之東。迴環約五百里。

氣候炎熱。尚可居棲。地爲英吉利所辟。駐有大酋。附近小島四十  
餘皆屬焉。土產白糖。

不爾奔島。

一作捕耳本

在毛里西亞之東。長一百八十里。廣一百三十

里。居民九萬餘。佛郎西所辟。田土膏腴。地氣平善。內有火山。晝夜

吐酸不息。土產穀果。加非白糖。棉花烟葉。丁香桂皮材木。又產黑金珊瑚。沿海無港澳。商船停泊。往往遭風損壞。然佛國商船。每歲往來。不肯棄也。

三達厄勒那島。在大西洋海中。與南土之星卑巴西亞相近。長四十五里。廣二十五里。英吉利所辟。駐以大酋。附近各島皆屬焉。地氣溫平。可居。嘉慶年間。佛郎西廢王拿破侖。爲英吉利所禽。流於此島。道光三年病死。

桑多美島。周迴四百里。北林西卑島。長八十里。廣六十里。二島在大西洋海幾內亞海灣之中。葡萄牙所辟。舊多深林密箐。葡人焚以烈火。墾其地種葡萄。釀酒甚佳。每歲出運。價值三十萬圓。

北農的威勒斯島。亞慮塞馬斯島。美黎辣是島。總名綠山頭羣島。在塞內岡比亞之西。地多枯瘠不毛。海濱產鹽。居民賴以爲生。又有加拿列斯羣島。共二十餘島。在摩洛哥之西。地氣濕熱。產酒果。糖蜜黍麥豆薯絲。以上各島皆西班牙所辟。加拿列羣島中有大山曰德內黎非。高一百二十丈。商船往來望爲標準。又蘭塞羅德島有火山。時吐烟燄。

修達島。在地中海直布羅陀口門之內。附近摩洛哥建有堅城。亦西班牙所屬。

阿非利加一土。以八卦方向視之。正當坤位。其氣重濁。其人類頡頏。故剖判已歷千萬年。而淳悶如上古風氣。不能自開。歐羅

巴諸國好尋新地。帆檣周於四海。獨於亞非利加一土。僅創一  
廛於海濱。而不能深入腹地。一洗山川之昏濁。蓋有故焉。亞非  
利加一土。中間正當赤道。其南北亦去赤道不遠。炎歊既甚。瘴  
癘尤多。非生長其地者。殆不能堪。異土之人。艱於托足。其北土  
與亞細亞接連。東西兩內海。紅海地中海處處可以泊船。故地雖沙  
磧。而東方夷族早已擇土而居。其東西南三面。塊然平直。土與  
海齊。無凹凸灣環之勢。故無深灣。凡舟行大洋中。無深穩之港。  
灣不能寄楫。故諸國海船。時時經過而無由。隨處登攀。其地之  
不能開拓。實由於此。若從北方旱路往。則平沙數千里。較之涉  
海尤艱。南方瘴癘。由昏蒙之未開。未必地氣之獨劣。烈山澤而

驅毒物。誅草萊。而播嘉穀。穡墟且變爲腴壤。而惜乎番族之無此智能也。土番形貌黑醜。蠢如豕鹿。以畧賣人口爲俗。強半爲諸國之奴。亦可憫矣。然其人愿而馴。豢之終身。無逃叛者。其又得坤土之柔順者歟。

南北亞墨  
利加總圖



北緯道

北緯道

大西洋海

聖水

聖水

吉英

米利吉英

地號聖米利吉英

聖屬利吉英


地米利聖  
聖聖聖


米利聖  
合衆國

撒得

海勒加

巴拿馬





赤道

南黄道


大西洋海


西那  
地三河

西巴

巴拉  
土

乌拉  
市





[illegible]

# 亞墨利加

亞墨利加一作亞墨理駕一土與三土不相連。地分南北兩土。北土形如飛魚。南北似人股之著。肥禪中有細腰相連。北距北冰海南近南冰海。計長二萬八千餘里。東距大西洋海。與歐羅巴阿非利加兩土相望。水程約萬里。西距大洋海。直抵亞細亞之東境。無別土。極西北之一隅。與亞細亞之極東北隅。隔一海港。以地球大勢言之。三土在東。亞墨利加在西。三土在地球之面。亞墨利加在地球之背也。

亞墨利加別一區字。自剖判以來。未通別土。其人五官肢體。近似中國。而面色紫赤。如紅銅。如櫻色。剪髮畱數寸許。歸於頂。而總束。

之蒙茸如散花。北亞墨利加之極北境終年寒凍。捕魚而食。稍南以獵獸爲生。衣其皮。畧如漠北蒙古之俗。再南皆野番散處。再南

自墨西哥至南亞墨利加之可倫比亞。祕魯玻利非亞。智利諸部。

古時卽分國土有城邑。前明宏治年間。西班牙之臣有可倫者。一作

開龍又作個倫又作哥倫波駕巨艦西尋新地。始抵加勒海灣羣島。知有亞墨

利加廣土。先取可倫比亞。正德十四年。西班牙人哥爾德斯探聞

墨西哥富饒。率兵攻之。奪其國。再拓而南。南亞墨利加西偏各國。

以次蠶食。西班牙人漸流布。雜居開山掘銀礦。以此驟富。其時葡

萄牙有海舶遭風飄至南亞墨利加之巴西。見其土地空闊。徙國

人墾種之。佛郎西英吉利聞之。亦駕巨艦西尋。至北亞墨利加。佛

據其南北。英據其中。荷蘭噠國。瑞國之人。亦接踵西來。各事墾闢。後佛與諸國所得之土。多爲英所并。阡陌雲連。城邑相望。尤爲富盛。自是亞墨利加兩土。西班牙。葡萄牙。得其南。英吉利。得其北。倚爲外府者數百年矣。乾隆中。米利堅畔英吉利。英人不能收復。腴壤盡失。僅餘北境荒寒之土。嘉慶年間。西班牙王爲佛郎西王拿破侖所廢。國大亂。墨西哥以南諸部皆畔。葡萄牙王爲拿破侖所逼。逃至巴西。留子王其地。巴西人逐去之。此時南北亞墨利加僅英人尙據北地片土。餘皆擁地自擅。不受歐羅巴約束矣。

北亞墨利加之西北境有高山綿亘曰落機。自西北而東南。東偏有山曰押罷拉。旣俺由東北而西南。餘多平土。有大河曰密士失。



必發源西北由東南入海。浩瀚如中國之黃河。此外有馬更些桑羅梭索德拉瓦勒波多馬哥北河諸水。縈迴穿貫於平壤之中。故迴環萬餘里。土多膏腴。南亞墨利加之西境有大山曰安達斯綿亘如脊。由北而南長一萬七千里。其山出銀礦。號爲金穴。多火峯。山之東平原廣坦。有大河曰亞馬孫。大如中國之長江。曰疇勒諾哥。曰多干定。曰桑方濟。各曰馬達勒那。曰銀河。皆南土名水。其居民分四種。曰土人。面紫色。卽亞墨利加土著。曰白人。皆歐羅巴各國流寓。曰黑人。皆從阿非利加買來之奴。曰雜人。內分三種。或土母白父。或黑母白父。或黑母土父。三種人氣色各不同。其土人亦種族各別。風俗語音殊異。其地舊無牛馬羊豕犬貓。西班牙人初

到時騎馬登岸。岸上人望見。以爲馬與人一也。皆惶駭奔避。今則蹄角遍野。五穀舊惟黍稷。今則各種皆備。甘蔗葡萄橙柑。加非胡椒芋薯之類。皆從歐羅巴移種。亦俱繁碩。煙葉棉花。尤爲大利。近又興蠶桑之法。木多松柏橡栗榆榿槐楊。藥材顏料香料極多。五金之外。兼產鑽石寶石水銀煤與鹽。隨處有之。

北亞墨利加之北境。寒凍不毛。與亞細亞之北境同。迤南漸溫。米利堅各部在北黃道之北。與中國節候相倣。再南至可倫比亞一帶。正當赤道之下。炎熱殊甚。然不似阿非利加之酷烈。且無瘴氣。故流寓者無天關迤南漸平。再南至巴他拿峇。寒冽如北亞墨利加之北境。至極南之鐵耳聶離依休勾。已近南黑道。則冰雪常封。

無人畜矣。乃知南北極之皆爲冰海。其說信而有徵也。

# 北亞墨利加冰疆

北亞墨利加之極北境環北冰海如玦。地當黑道之下。陰凝特甚。夏亦見雪。未秋先凍。湖海皆冰。差我如銀山萬疊。至臘兩月。日不曜星。不隱人畜。皆蟄伏五六兩月。長晝不夜。海水皆圻浮洋面。如邱陵船觸之。立即齏粉。其海產鯨魚。歐羅巴諸國有釣船百餘隻。英吉利荷蘭爲多。其船冬月停結水中。至夏冰釋。乃往來海面。得鯨魚油與骨。皆獲重價。得海犬海馬。則食其肉而取其油。釣鯨最險。或觸冰碎舟。或巨鯨吞餌。牽舟沒重淵。然利之所在。不遑恤也。土人甚稀。捕魚鼈爲糧。衣海犬之皮。穴地而居。冬時晝夜燃魚油爲燭。肢體甚短。黑醜粗具人形。其地分三域。曰北德溫。曰北日爾。

日亞曰巴非英巴利。極西北之一隅。名監札加。一作甘查甲與亞細亞

之極東北隅。僅隔海港五十餘里。我羅斯從彼地跨而有之。獵野

獸之皮。以供飯鬻。貂鼠海虎爲多。其人皆居地窟中。冰疆無地界故未繪圖

北亞墨利加英

吉利屬部圖



荒地

荒地

地荒

地荒

地荒

下拿地

地拿加上

湖阿盤文別安

界堅利米

界堅利米

界堅利米

湖盤爾伊  
界堅利米

水利堅界

休命湖

水利堅界





北亞墨利加英吉利屬部

北亞墨利加一土。自米利堅以北。本皆佛郎西所墾闢。英吉利既得米利堅之地。以兵力爭其北土。與佛交戰八年。佛棄其地。英人括而有之。乾隆末年。華盛頓據地起兵。米利堅諸部盡爲頓所割。惟北土用佛例稅額甚輕。其民未畔。故仍爲英轄。北至冰疆。南界米利堅。東距大西洋海。西距大洋海。其地大半平坦。溪河錯雜。河之最長者曰桑羅梭索。又有伊爾釐休命等大湖。地氣嚴寒。畧如中國之塞北。西偏林木。轆轤毛蟲所宅。英人窮險極幽。獵野獸而取其皮。貂鼠騷鼠。洋灰鼠。海龍。海駝之類。皆有之。或失路困冰雪中。凍餓死。又以火酒氈絨。與土人而易其皮。土人得酒輒沈醉。往

往腐腸而斃。所得之皮。由義羅斯轉鬻中國。大利尤在林木。英人結隊入林。伐木而投之河。順流達於海港。或在海濱造船。或販往英國。新著島一帶海面多魚。夏季尤旺。諸國漁船蟻集。捕魚鮓之。販往天主教各國。天主教各國齋戒食鮓魚計每年五穀木料皮張鮓魚各項。值價銀數百萬兩。居民約一百二十餘萬。英吉利三島之民。年年有西渡謀食者。地分六部。曰上加拿他。曰下加拿他。曰新不倫瑞克。曰新蘇格蘭。曰散約翰島。曰新著大島。六部總名新北勒達尼亞。附近小島皆屬焉。駐有大酋。總理六部之事。五穀皮張木料之外。兼產銅鐵鉛煤水銀煙葉。其西北荒地遼邈無垠。尚未墾闢。上加拿他在桑羅梭索河之上游。伊爾釐兩湖之北。長約千餘里。

溪湖之水匯集。其流湍急。小洲星列。瀑布一落九十丈。英國無業貧民。來此墾種荒地。勤者往往致富。惰者或困餓死。其會城曰給卑克。

下加拿他。在上加拿他之東。長約千里。居民大半佛郎西人。尙天主教。謀生不勤。故恆產無多。又不服英官。時時揭竿。英人以兵力靖之。土女面紫色。而眉目端好。不解沐浴。英人惡其不潔。故娶之者少。會城曰多倫多。

新不倫瑞克。

一作新本土威

在下加拿他東境之南。南北約八百里。東西

約六百里。東臨大海。南北臨內港。港極深。海船駛入。無沙淺。土田最腴。而居民務農者少。皆結隊入林伐木。春水生。木料順流達海。

港貨之得善價。沽酒爲樂。日在醉鄉。金盡歸山林。理故業。大城邑皆在水濱。會城曰弗勒德里克。係大埔頭。英國商船往來販買木料。三島無業貧民。每年遷來者約六千人。然地仍空闊。再數百年。亦不患人滿也。

新蘇格蘭。在新不倫瑞克之南。三面懸海。僅一隅與新不倫瑞克相連。東西約一千里。南北約三百五十里。天氣嚴寒。自十月至三月。積雪不消。產銅鐵煤。海中多魚。居民勤苦治生。最爲安分。會城曰哈勒法。係大埔頭。海濱大港。尙多。因戶口不繁。城邑未建。故商舶乏停泊者。


散約翰島。在新蘇格蘭之東北。長約三百里。廣約百里。老兵移駐。


之地。專務農功。穀麥堪出。羅隣部。會城曰加爾羅德。  
新著大島。在新蘇格蘭之極東北。長約一千三百里。廣約九百里。  
其海產魚最旺。居民皆以捕魚爲業。夏時漁舟如蟻。網罟蔽於海  
面。土雖肥沃。不務農功。僅種荷蘭薯與蔬菜。穀麥皆買自隣封。會  
城曰桑若漢。




米利堅合  
衆國圖









北亞墨利加米利堅合衆國

米利堅

米一作彌卽亞墨利加之轉音或作美利哥一稱亞墨理駕合衆國又稱兼攝邦國又稱聯邦國西語名奈育士迭

亞墨利加大國也因其船掛花旗故粵東呼爲花旗國

其旗方幅紅白相間

右角另一小方黑色上以白點繪北斗形

北界英土南界墨西哥得撒東距大西洋海

西距大洋海東西約萬里南北闊處五六千里狹處三四千里押

罷拉旣俺大山環其東落機大山繞其西中間數千里大勢砥平

江河以密士失必爲綱領來源甚遠曲折萬餘里會密蘇爾釐大

河南流入海此外名水曰哥隆比亞曰阿巴拉濟哥刺曰麼比勒

曰德拉瓦勒北境迤西有大湖分四汊曰衣羅乖

一作翕大羅曰休倫

一作胡倫曰蘇必力爾曰密執安迤東又有兩湖相屬曰伊爾釐

一作以利

日安剔衣釐阿諸湖爲分界之地。北爲英土。南則米利堅地也。初英吉利探得北亞墨利加之地。驅逐土番。據其膏腴之土。徙三島之人實其地。英人趨之如水赴壑。佛郎西荷蘭噠國瑞國無業之民亦航海歸之。日漸墾闢。遂成沃壤。英以大臣居守沿海。遍置城邑。榷稅以益國用。貿易日益繁盛。以此驟致富強。乾隆中英與佛郎西構兵。連年不解。百方括餉。稅額倍加。舊例茶葉賣者納稅。英人下令買者亦納稅。米利堅人不能堪。乾隆四十年。紳耆聚公局。欲與居守大酋酌議。酋遂議者督征愈急。衆皆怒。投船中茶葉於海。謀舉兵拒英。有華盛頓者。一作兀興騰。又作瓦乘敦。米利堅別部人。生於雍正九年。十歲喪父母。教成之。少有大志。兼資文武。雄烈過人。嘗爲

英吉利武職時方與佛郎西構兵土蠻寇鈔南境頓率兵禦之所向克捷英帥沒其功不錄鄉人欲推頓爲酋長頓謝病歸杜門不出至是衆旣畔英強推頓爲帥時事起倉卒軍械火藥糧草皆無頓以義氣激厲之部署旣定薄其大城時英將屯水師於城外忽大風起船悉吹散頓乘勢攻之取其城後英師大集轉戰而前頓軍敗衆恇怯欲散去頓意氣自如收合成軍再戰而克由是血戰八年屢蹶屢奮頓志氣不衰而英師老矣佛郎西舉傾國之師渡海與頓夾攻英軍西班牙荷蘭亦勒兵勸和英不能支乃與頓盟畫界址爲隣國其北境荒寒之土仍屬英人南界膏腴之土悉以歸頓時乾隆四十七年也頓旣定國謝兵柄欲歸田衆不肯捨堅

推立為國主。頓乃與眾議曰：得國而傳子孫，是私也。牧民之任，宜

擇有德者為之。仍各部之舊，分建為國。每國正統領一副統領，佐

之。副統領有一員。以四年為任滿。亦有一年二集部眾議之。眾皆

曰：賢則再留四年。八年之後。否則推其副者為正。副或不協人望。

則別行推擇。鄉邑之長，各以所推書姓名投匭中。畢則啟匭視所

推獨多者立之。或官吏或庶民，不拘資格。退位之統領依然與齊

民齒，無所異也。各國正統領之中，又推一總統領，專主會盟戰伐

之事。各國皆聽命其推擇之法。與推擇各國統領同。亦以四年為

任滿。再任則八年。自華盛頓至今。頓以嘉慶三年病卒。開國六十餘年，總統

領凡九人。今在位之總統領勿爾吉尼阿國所推也。初華盛頓既

與英人平銷兵罷戰事務農商下令曰自今以往各統領有貪圖別國埔頭脔削民膏與兵構怨者衆共誅之畱戰艦二十額兵萬人而已然疆土恢闊儲侍豐饒各部同心號令齊一故諸大國與之輯睦無敢凌侮之者自與英人定盟至今已六十餘年無兵革之事其商船每歲來粵東數亞於英吉利

按華盛頓異人也起事勇於勝廣割據雄於曹劉既已提三尺劍開疆萬里乃不僭位號不傳子孫而創爲推舉之法幾於天下爲公駿駸乎三代之遺意其治國崇讓善俗不尙武功亦迥與諸國異余嘗見其畫像氣貌雄毅絕倫嗚呼可不謂人傑矣哉



米利堅全土。東距大西洋海。西距大洋海。合衆國皆在東境。華盛頓初建國時。止十餘國。後附近諸國陸續歸附。又有分析者。共成二十六國。西境未闢之地。皆土番。凡闢新土。先以獵夫殺其熊鹿野牛。無業之民。任其開墾荒地。生聚至四萬人。則建立城邑。稱爲一部。附於衆國之後。今衆國之外。已益三部。總統領所居華盛頓都城。不在諸國諸部數內。計國二十六部。三其丁口至道光二十一年。計一千七百一十六萬九千餘。

哥倫米阿。

一作七攬彌阿。又作力士勒果勒彌阿。

在馬理蘭內港。西汊之尾。勿爾吉。

尼阿之西北。地跨兩國。周四十里。合衆國之都城也。初華盛頓既勝英。居於哥倫米阿。定爲總統領治所。合衆國之紳耆皆會集於

此議國政。城爲華盛頓所建。乃合衆國創業之祖。故卽名其城曰華盛頓。有總統領府。議事堂。文武衙署。迤西別一城曰查治。當有書院鑄炮局。對岸別一城曰阿力山特釐阿。有鑄炮局育嬰館。三城貿易極盛。居民四萬三千。

米利堅各國皆無城都會聚落卽謂之城其實并無垣堞也

緬國。

一作洛又作賣內

在合衆國極東北隅。與英吉利屬部接壤。西界紐

罕什爾南界海。幅員如中國之浙江省。山水環匝。林木叢茂。北境極寒。冬月雪深數尺。堅冰可勝車馬。南境夏令頗熱。明天啟六年。英吉利有數人。始至基尼河畔。創立一鄉。後漸繁衍。與麻沙朱色士合。嘉慶二十五年。歸合衆國。道光元年。別立爲緬國。地產五穀。棉花。紙。熟皮。蠟。燭。鐵。以材木爲最多。船料皆取辦於此。每歲出口

貨價約八百餘萬。合衆國貿易。緬居十之三。以奧古士大爲會城。有大書院二所。正統領一人。副七人。巡察官十二人。贊議官數十人。居民五十萬餘。所務惟農漁商。無鉅富。無極貧。

紐罕什爾國

一作紐韓詩爾。又作紐舍社。又作新韓賽。又作新杭西勒紐。卽譯言新也。

在緬國之西北。

界英土西界。洼滿的南界。麻沙朱色士幅員如緬三之一。境內峯巒疊嶂。最高者曰白山。積雪不消。終歲皓然。有尼比西阿尼湖。周數十里。風景幽絕。土氣清和。其人多壽。明天啟三年。英人麻臣俄尼士始墾此土。旋與麻沙朱色士合。乾隆六年。別立爲紐罕什爾部。後歸於合衆國。地產大木。有高二十丈者。又產洋參。冰糖。銅鐵。鉛。會城曰公哥突。有大書院。官制與緬畧同。員數差少。居民二十

八萬零。東南隅有波子某城。港口深穩。合衆國兵船。皆泊於此。

注滿的國。

一作屋滿的一作注門又作華滿又作法爾滿又作委爾蒙

在紐罕什爾之西北界。

英土西界紐約爾南界麻沙朱色士幅員與紐罕什爾相埒。境內

有曼士非爾大山。高四百餘丈。山多杉木。冬夏嘗青。故名其地曰

注滿。譯言綠山也。又有大湖曰占勃連。萬曆元年。佛郎西人由加

拿他轉徙至此。雍正二年。英吉利人由麻沙朱色士漸拓其地。乾

隆年間。別立爲一部。乾隆五十六年。歸合衆國。產布疋綿紗粗呢

牲畜。兼產鉛銅鐵錫。而鐵尤王。又產皂礬極多。會城曰滿比釐阿

有書院。官制與紐罕什爾同居民二十九萬零。

麻沙朱色士國。

一作馬薩諸色士又作馬沙朱碩斯又作馬沙諸些又作馬撒主悉又作馬薩諸塞在紐罕

什爾洼滿的之南。西界紐約爾。南界干捏底吉洛哀倫。東距大西  
洋海幅員與洼滿的相埒。近海地勢稍平。迤西山嶺重疊。干捏底  
吉河由北發源。橫貫國中。氣候溫和。似中國之江北。明正德年間。  
英吉利尙天主教。國人尙耶蘇教者。航海逃至此地。名曰新英吉  
利。開墾生聚。戶口漸繁。康熙三十一年。復歸英轄。乾隆年間。歸合  
衆國。土產鉛錫白礬煤炭。大呢布疋魚油。會城在東界曰摩士敦。  
爲合衆國大都會。城內萬室雲連。市廛盤匝。百貨闐溢。仍畱隙地。  
相間隙地。每方百畝。圍以欄干。外環樹木。爲居人遊憩之地。牛馬  
不容踐踏。故地氣疏通。人少疾疫。有大書院六所。藏書樓數處。一  
樓藏書二萬五千冊。官吏士子皆許就讀。惟不准攜歸。城外近臨

海港在合衆國埔頭爲第二。其商船火輪船無所不到。陸地有鐵路。馬車與火輪車並用火輪車行甚速。每日可三四百里。設正統領一副二居民八十三萬零。

洛哀倫國。

一作律愛倫又作爾羅暖倫又作羅德島又作羅底島

在麻沙朱色士之南。西界

干捏底吉。東南距大西洋海幅員如中國之一中縣。在合衆國爲

最小。明崇禎九年麻沙朱色士人羅查威廉謫居於此。鳩衆開墾。

遂成小部。康熙二年歸英吉利。後歸合衆國。土產鐵煤。會城曰波

羅威士頓。城外有海港曰新灣。港內有小島。其國以此島爲名。哀

倫譯言島。洛哀倫譯言島部也。島上建樓高十餘丈。樓頂作小屋。

圍以玻璃。每夜燃燈數十以導海船。避礁石。合衆國港口皆效之。

戶口不繁而貿易工作與麻沙朱色士相埒棉花尤良地平坦無水磨海濱多建樓高六七丈借風激輪爲磨以屑穀麥設正副統領各一居民十萬八千零

南懷仁宇內七大宏工記有樂德島銅人高三十餘丈一手持燈兩足踏兩山

脚海舶出其襠間銅人內有旋梯人由旋梯至其右手燃燈以引海舶卽此島也建樓燃燈事本尋常乃懷仁造爲銅人之誕說而云三十餘丈不知此銅人何由而鑄亦何由而立也亦可謂荒唐之極矣

干捏底吉國

一作干尼底吉又作哥內的古又作袞特底格又作捏的格爾

在洛哀倫之西北界

麻沙朱色士西界紐約爾南距海港幅員三倍洛哀倫有大河曰

干捏底吉發源緬國由此入海故以水名爲國名土壤中平沿河

腴沃氣候溫和近年已興蠶桑之利明崇禎六年麻沙朱色士人

始墾其地曰赤活後有英吉利人墾出港口之地曰紐倫敦康熙

元年合爲干捏底吉部。歸英轄。嘉慶二十三年。歸合衆國。土產牛馬。騾羊。銅鐵。棉麻。布疋。大小呢紙。鐵器。又造木時辰鐘。每歲得三萬件。會城有二。一曰哈得富耳。在河濱。有大書院。一曰紐倫敦。在海口。有大書院四。其學館爲二十六國之最。又有別院。教啞與聾者。以手指代語言。諸國皆效之。設正副統領各一。居民三十萬九百零。

紐約爾國。

一作紐約克。又作紐育。又作新約。又作新約基。

米利堅大國也。東界洼滿的麻。

沙朱色士干捏底吉。東南一隅。臨海港。南界紐折爾。西賓夕爾勒。

尼安西北。距安別衣釐阿伊爾釐兩湖。東北界英土地。形三角。幅。

員如中國之福建省。東境多山。大者曰押罷拉。旣俺。餘多平土。有。



大河曰活得遜由北而南長千餘里闊三四里洋船溯流而上可數百里迤北甚寒冰堅可任車馬中間有湖曰齋治其地富庶繁華爲二十六國之最前明中葉荷蘭人尋新地初辟此土名曰新荷蘭嘉靖年間意大里游民麇至爲荷蘭傭萬厯間英吉利人亦至其地經營開墾日益富盛順治年間英吉利王命其昆弟名約者主之以兵力逐荷蘭盡有其地名曰紐約爾乾隆四十年華盛頓舉兵畔英紐約爾首附之英人惜其殷富屢以大兵攻取故被兵爲最甚會城亦名紐約爾外通海港爲合衆國第一埔頭產銅鐵鉛鹽牛馬羊豕棉布嗶嘰熟皮白紙玻璃每歲貨船入港者一千五百艘運入之貨值三千八百萬圓運出之貨值二千三百萬

圓內地通衢多用鐵汁冶成以利火輪車之行。有大市鎮二曰阿爾巴尼。曰推來。通國書院學館甚多。其費歲一二百萬圓。有演武館。教習鎗炮軍械。官制畧同緬國。員數較多。居民二百四十二萬八千。居會城者二十七萬。

紐折爾西國

二作紐約爾些又作紐惹西又作新遮些又作新日爾塞

北界紐約爾西界賓夕

爾勒尼安南界特爾拉華東面大西洋海。幅員與麻沙朱色士相倣。北境有大山平原多衍沃。有巴沙益河。受諸水匯爲深潭澄沚。涵演怡人。遊眺明天。啟四年。噠國人初寓其地。後有瑞典人墾其南隅。荷蘭人墾其東北。康熙四十一年始歸英吉利。後歸合衆國。產鐵鉛布疋。會城曰特連頓。設正副統領。居民三十八萬零。

賓夕爾勒尼安國

一作邊西爾威尼阿又作賓西注尼阿又在紐作邊西耳文又作奔西爾瓦尼又作品林

折爾西之西北界紐約爾西北隅連伊爾釐湖西界倭海阿南界

勿爾吉尼阿馬理蘭特爾拉華幅員與紐約爾相埒境內有押罷

拉既俺大山有濕布下蘇貴哈那等河地氣寒暑適均土壤東勝

於西初開其地者爲瑞典人康熙二十一年英吉利將領威廉賓

據之又買土番曠土拓爲大部故以姓名其地曰賓夕爾勒尼安

譯言賓之林野也乾隆年間歸合衆國土產煤鐵鹽呢布苧麻磁

器玻璃會城曰非勒特爾非爾

一作費拉地費又作兄弟愛

在東南隅建於特

爾拉華河口街直如矢萬厦整潔外通海港洋船可直抵城下爲

合衆國第三埔頭每歲運入之貨值一千一百餘萬圓境內有鐵

路可達鄰封。火輪車船之煙櫃多造於此。官制與紐約爾畧同居。民一百八十二萬零。

特爾拉華國。

一作底拉華又作地那注又作德拉委爾又作列勒威爾

在賓夕爾勒尼安之東

南西南界馬理蘭。東面臨海。港為特爾拉華河下游。故以水名為國。名幅員與洛哀倫相倣。在二十六國中為最小地。亦瑞典人所開。荷蘭奪之。康熙三年歸英。吉利初附於賓夕爾勒尼安。後析為小部。道光十年始歸合衆國。土田卑濕。貿易無多。會城曰多發。設統領一。居民八萬八千零。

馬理蘭國。

一作馬里蘭又作馬黎郎又作麥爾釐蘭

東界特爾拉華。北界賓夕爾勒尼

安。西南界勿爾吉尼。阿中貫遮士畢海港。分境土為兩畔。幅員與

紐折爾西相埒西北有峻嶺餘多平土五穀百果皆宜明嘉靖間英吉利有律官曰麻爾底磨率二百人來墾此土父子相繼至崇禎六年告成其初開時值英吉利女主馬理在位故名之曰馬理蘭馬理譯言王后蘭譯言地也後歸合衆國產呢布鐵器牙器玻璃紙料會城曰阿那波里有書院官制與諸國同居民四十八萬華盛頓都城在國之西南界

勿爾吉尼阿國

一作費爾治尼阿又作委爾濟尼阿又作注治尼阿又作費治彌亞又作威額爾拿在馬理

蘭之西南西北界賓夕爾勒尼安倭海阿西界阡的伊西南界田納西南界北喀爾勒那東距海港幅員之廣爲二十六國之最境內多山最大者曰波威爾士河渠交絡最長者曰波多墨有天生

石橋離水二十丈闊數丈又有石洞深一里許內有生成數石人

名曰龍洞土壤中平沿河者較腴沃明中葉英吉利王占士時未知

是顯理英人初墾此土因名其地曰占士後於萬厯初告成值女

主以利撒畢在位更名曰勿爾吉尼阿譯言貞女用以讚揚女主

也乾隆四十一年歸合衆國產五穀果實貿易繁盛會城在東界

海濱曰里是滿有大書院官制畧同諸大國居民一百二十三萬

零合衆國聰明英傑之士多萃於此

北喀爾勒那國一作那弗喀爾勒那那弗譯言北也又作北格羅來納又作北甲羅里那又作北戈羅里又作北駕

羅連又作在勿爾吉尼阿之南西界田納西南界南喀爾勒那東

距海幅員與勿爾吉尼阿相埒境內西北多山以墨魯山爲最高

東南皆平土。河道紛歧。最長者曰羅阿萊。東界有瘴氣。迤西平善。初英吉利律官格拉領頓與依爾額蘭威爾里等來墾此土。因以國王之名名之曰查爾士頓。未詳是查理第幾後又有臘里者亦來墾。兩土毘連。告成之後。總名曰喀爾勒那。雍正七年。分爲南北兩部。北部乃臘里所墾也。乾隆五十五年。歸合衆國。地產金。開鑛淘沙者常二萬餘人。木多松。以松脂代燭。穀以粟米爲主。小麥次之。產棉花煙葉。會城曰喇里。設正統領一。叅辦七人。僚佐數十。居民八十萬三千零。耕作買阿非黑奴爲之。俗侈靡。好宴飲。

南喀爾勒那國。

一作搜土喀爾勒那。搜土譯言南也。餘與北國同。

在北喀爾勒那之南。西

南界若耳治。東南距海。幅員如北喀爾勒那。三之二。境內墨魯山。

高四百餘丈。餘皆部。嶺有泚底大河。由西北而貫東南。海濱炎熱。有瘴氣。迤西適中。初與北喀爾勒那爲一部。後分兩部。與北部同時歸合衆國。土宜粟稻。木多松橙。產棉花。苧麻。金鐵。有鐵路通鄰封。會城曰個倫比亞。有大書院二。官制同北部。惟北部無副統領。南部有之。居民五十五萬三千零。

若耳治國。

一作若爾熱。又作若治阿。又作熱爾治阿。又作熱可加。又作磔治阿。又作惹爾日亞。

在南喀爾勒

那之西北界。北喀爾勒那田納西。西界阿拉巴麻。南界佛勒爾勒。釐幅員如中國之直隸省。押罷拉既俺大山在北境。東北有卸番亞河。又有阿結治亞。拉達麻哈等河。皆注南洋。北界有石洞。高數丈。小河從此流出。駕小舟入洞。可十五里。過此瀑布。飛下不能進。



矣。雍正十年始有英吉利百餘人居此立城於卸番亞河畔無業貧民競貢耒耜後荷蘭瑞典之人亦來墾荒地漸成聚落時南境之佛勒爾勒釐爲西班牙所據以兵爭此土數年乃定乾隆十八年英吉利始建爲一部時英王爲若耳治第二遂名之曰若耳治嘉慶三年歸合衆國地氣土俗物產與南喀爾勒那同以棉花爲大利會城曰靡理治有大書院官制與諸部署同居民六十五萬一千零

倭海阿國

一作阿海阿又作阿希阿又作阿喜阿又作阿宜約

在賓久爾勒尼安之西北距

伊爾釐湖西北界密執安西界英釐安納南界阡的伊勿爾吉尼阿幅員與賓久爾勒尼安相埒地多岡阜無大山河渠交絡土壤

膏腴乾隆三十五年歐羅巴人從西北方來密執安諸部始開荒地嘉

慶五年告成英人始設官七年卽歸合衆國產鐵煤鹽粟稻煙葉

苧麻棉花玻璃有河道可達港口有鐵路通隣封會城曰戈攬模

士設官如諸國居民一百五十六萬零

密執安國

一作米詩干又作彌治顏又作迷詩安

東北距休侖湖東南距伊爾釐湖

西距密執安湖南界倭海阿英釐安納幅員畧遜於倭海阿三面

包湖沙土疏行隨處可畊康熙三十九年佛郎西人始墾其地乾

隆二十八年爲英吉利所奪道光十五年始歸合衆國物產未詳

有鐵路通隣封會城曰底特律設官如諸國居民二十一萬二千

零

汗的伊國

一作建德基又作建大基  
又作根特機又作根都機

在勿爾吉尼阿之西北界倭

海阿英釐安納西界奕倫諾爾南界田納西福員如中國之浙江  
省地居二十六國之中寒暑均平河道縱橫穿貫田土膏腴五穀  
百果不可勝食東境連押罷拉既俺大山有風穴上半年風從外  
入下半年風從內出嘗有土人於上半年用窗掩穴口秉炬而入  
行五十里不能盡懼而返次日乃出穴竟莫知其淺深其地舊屬  
勿爾吉尼阿乾隆三十三年有單耶利蓬者徙居於此至三十八  
年來者漸眾立一邑曰暇律士四十四年別立爲一部四十六年  
歸合衆國土產禾麻菽麥煙葉麥之多甲於諸國兼產鐵鉛煤水  
道不通海貨難出運惟用火輪船貿遷於本國會城曰法蘭富耳

有大學堂。官制畧同諸國。員數頗多。居民七十八萬九千零。別有大市鎮二。曰累士。曰厯星頓。兵最強。推爲諸國勁旅。

佛勒爾勒釐部。一作佛囉理得。又作佛羅里達。又作佛羅里他。又作費羅里大。合衆國之極東南

境地。形如拇指斜伸入海。北界若耳治阿拉巴。餘皆距海。幅員

與密執安相埒。地形平坦。壤土與沙石相間。卑濕殊甚。明正德七

年。西班牙人般士底里晏始墾此土。嘉靖四十三年。爲英吉利所

奪。越二十年。西班牙復奪回。嘉慶年間。西班牙與別國交兵。有米

利堅貨船。爲西班牙軍所刦。米利堅起兵索償。西班牙知曲在已。

而米船之貨已散失。乃以佛勒爾勒釐地償之。時嘉慶二十五年

也。西班牙人皆他徙。惟畱漁戶農夫。近年招集流徙。生聚漸繁。海

濱土番尙未全服。時與居民格鬪。產玳瑁蜜蠟棗橙橘無花果甘  
蔗棉花洋藍。以達那哈爲會城。止設議事處一所。未立統領等官。

故不列於諸國。居民五萬三千零。以上一都十八國一部爲米利堅東路

田納西國。

一作典捏西又作地尼西又作德內西

在阡的伊之南東北界勿爾吉尼

阿東界北喀爾勒那南界若耳治阿拉巴麻密士失必西與阿甘  
色隔河爲界。幅員如中國之浙江省。東界有峻嶺自北而南綿亘  
數百里。與押罷拉既俺大山相連。節序和平。土脈膏腴。河渠交貫。  
五穀百果皆宜。合阡的伊爲米利堅中原如中華之河雒其地初  
爲勿爾吉尼阿北喀爾勒那人所墾。嘉慶元年立爲國。歸合衆國。  
產鐵器棉布夏布。會城曰那實。官制同諸國。居民八十二萬九千

零工農并力家給人足。

阿拉巴麻國。

一作阿喇巴麻又作巴里特摩又作阿那麻馬又作亞喇罷麻

在若耳治之西北界。

田納西西界密士失必西南隅距海南界佛勒爾勒釐幅員差遜。

於若耳治押罷拉既俺山在東北境高百餘丈境內之水以阿拉。

巴麻爲最大因以爲國名南方夏苦熱土人多入山避暑北方稍。

見霜雪亦不甚寒近山近海之土多腴沃地曠人稀獸蹄鳥跡交。

於野其地舊半屬若耳治半屬佛勒爾勒釐道光元年別立爲一。

部歸合衆國產金鐵稻穀果實甘蔗烟葉棉花洋藍以棉花爲最。

盛會城曰磨庇理灣建於海口爲南方大埔頭出運棉花麥粉貿。

易極盛有大書院設正副統領各一議處官數十人居民五十九。

萬零經商者多。能窮險遠。所造快船行駛極速。內地鐵路亦四達。

密士失必國。

一作米西細比。又作彌斯栖北。又作美士細比。又作米西西北。

在阿拉巴麻之西北。

界田納西西北。隔河界阿甘色。西南隔河界魯西安納。東南隅距。

海幅員與阿拉巴麻相埒。密士失必者。米利堅大河來源甚遠。大。

如中國之黃河。其河由此土西界入海。故以爲國名。押罷拉既俺。

大山至此而盡。地氣與阿拉巴麻同。有瘴氣。夏令人多染疫。土田。

腴沃。推南邦上壤。惟西界未立隄防。頗受水患。康熙五十四年。佛。

郎西人初至寄居。西班牙人續至爭之。以爲公地。乾隆二十七年。

英吉利取之。嘉慶二年。歸合衆國。二十二年。立爲一國。舊產煙葉。

洋藍。近年以棉花爲盛。會城曰查基遜。官制與諸國同。居民十三。

萬六千八百零。密士失必河口外通海港。有城曰那吉士。又名新阿爾蘭。洋艘所聚爲西南大埔頭。

魯西安納國。

一作累西安納。又作雷栖阿那。又作盧宜西安。又作累斯安。

在密士失必之西南。

隔河爲界。北界阿甘色。西界得撒。南距海幅員如中國之直隸省。西北有小山。東南平坦。地氣炎熱。多疫癘。土膏腴。有水患。地爲佛郎西人所墾。乾隆二十八年。西班牙奪之。嘉慶五年。佛郎西復奪回。八年。合衆國以番銀千五百萬圓買之。二十三年。立爲一國。土產甘蔗。棉花。甲於諸國。種蔗十五畝。得糖五千斤。有風櫃。彈棉花。一櫃可敵數百人之工會。城曰紐哈連。官制同諸國。居民二十一萬五千五百零。貿易之盛。在密士失必河口。上游諸國之貨。皆萃



於此內地亦有鐵路。

英釐安納國。

一作引底安納又作因地阿那又作音的亞那

北界密執安西北距密執安

湖西界奕倫諾爾南界阡的伊東界倭海阿幅員與密執安相埒。

土壤膏沃山巔亦堪播種樹木尤叢茂康熙三十九年佛郎西人

始開其地乾隆二十八年爲英吉利所奪後歸合衆國產煤鹽鐵

粟米苧麻煙葉洋參蜜蠟有鐵路通隣封會城曰英釐安納波里

官制同諸國居民六十七萬五千零

奕倫諾爾國。

一作伊理奈士又作依里內士又作意黎乃

在英釐安納之西北界衣阿

華新部西界密蘇爾釐南界田納西幅員與魯西安納相埒地平

坦多茂林豐草宜牧畜初與英釐安納爲一部皆佛郎西所墾後

爲英吉利所奪。嘉慶十四年。分爲奕倫諾爾部。後歸合衆國。土產與英釐安納同。會城曰灣達里阿。居民四十七萬六千零。

阿甘色國。

一作阿干薩士。又作阿爾干薩。

在魯西安納之北。東距密士失必大河。

與密士失必田納西隔河爲界。西界因底阿土番。北界密蘇爾釐幅員大於魯西安納。西界有阿薩麻薩尼大山。餘皆平土。舊本與密蘇爾釐爲一部。皆佛郎西人所墾。嘉慶二十四年。始別爲一部。道光十六年。歸合衆國。土俗物產與魯西安納畧同。會城曰力特爾洛。官制同諸國。居民九萬七千零。

密蘇爾釐國。

一作密蘇理。又作彌梭里。又作迷蘇利。

在阿甘色之北。東與奕倫諾爾

隔密士失必河爲界。西北界土番幅員與阿甘色相埒。境內無大

山多茂林。土宜粟麥稻。有大河曰密蘇爾釐。因以爲國名。康熙三十一年。佛郎西人初墾此土。與阿甘色爲一部。嘉慶二十四年。始分兩部。道光二年。歸合衆國。產白黑鉛砒石煤鐵鹽棉花牛皮。會城曰渣法甸。官制畧同諸國。居民二十三萬三千零分兩種。一曰格臘色士。卽佛郎西人後裔。一曰牙模士。乃佛郎西人與因底阿土番婚配所生。介乎紫白之間。土番紫色

威士干遜部。

一作威斯滾申達多里

衣阿華部。

一作依阿威士

在蘇必力湖之南。密

執安湖之西。奕倫諾爾之北。跨密士失必大河左右。地界遼闊。約如諸大國之四倍。多岡阜。無大山。土沃易於墾種。本因底阿土番所居。道光十年。始有密執安白人遷居。漸成聚落。錯雜於土番之

中皆建炮臺以資保衛。近年人戶漸多。分爲兩部。北曰威士干遜。居民三萬零。南曰衣阿華。居民四萬三千零。經營方始。未設統領等官。故不成爲國。以上八國二部爲米利堅西路

合衆國之西抵大洋海。尙有荒地數千里。北界英吉利屬地。南界墨西哥。中有落機大山。諸大河多從此發源。其土番總稱因底阿。種類甚多。長大多力。五官停正。似中華。面色紫赤。髮與睛皆黑色。不解耕織。炊汲茹毛。飲血。或啖果菜瓜。以草木爲棚。蔽風雨。夏月裸上體。腰圍獸皮。冬寒則上體亦披皮。又有面塗五色。頭插鳥翎。以示武者。業惟漁獵。不知文字。病無方藥。惟求持咒者叱解之。其人明信。知敬老。受侮必報。湯火不辭。無錢幣。以樹皮珠石相交。

易有頭目以約番衆。方英吉利與米利堅兵爭。欲誘土番擾西邊。以分米勢。言語不通。土番不爲用。而米利堅西鄙之民。多與土番狎熟。因募爲一軍。授以兵械。教成隊伍。土番踴躍用命。屢破英軍。故合衆國之勝英土番。與有力焉。近年米人日漸西徙。與土番雜居。教以耕作。風氣漸開。密執安湖之西。已立威士千遜衣呵華兩部。兩部之西。仍係土番。米人約其地形。分爲三部。曰威斯頓達多里。曰威斯頓底特力。曰阿里顏達多里。

威斯頓達多里在阿甘色密蘇爾釐之西南界。得撒墨西哥西抵落機大山。北界威斯頓底特力。地界遼闊。土肥磽不齊。肥者可耕。可牧。瘠者多不毛。米人以其地與因底阿番。爲牧獵之場。又立書。

館給工作器具。冀日漸化導之。土番種類甚多。有土著者。有外來者。道光十六年。米人查其戶口。分十九種。曰作島斯。曰格力士。曰支羅機士。曰阿些治士。曰瓜包士。曰沙洼尼士。曰干薩士。曰地那洼士。曰機加布士。曰包尼士。曰阿麻哈。曰呵多士。曰西尼加士。曰委士。曰比晏機搔士。曰比阿里阿士。曰加士機阿士。曰阿島士。曰波達洼彌士。以上各種。俱已解耕牧居廬舍。學商賈。間有通文字者。其餘種類尙多。榛狫如故。

威斯頓底特力。在威斯頓達多里之北。東界威士千遜衣阿華兩新部。北界英吉利屬地。西抵落機大山。地界遼闊。山路崎嶇。米人罕至其地。故未得其詳。其種人有曼丹士。敏尼達里士。墨臘弗底。

頓士然頓士西阿士等名。道光十五年。嘗與米人戰鬪。地產山羊鹿皮。

阿里顏達多里。又名艾攬彌阿達多里。在落機大山之西北界英

吉利屬地。南界墨西哥。西距大洋海。即中國之東洋大海。又名太平洋。地界遼邈。

里數未詳。西界近海。有山嶺數疊。而東境之落機山。爲大產木料

皮毛。有木曰擺樹。高二三十丈。圍四五丈。亭直無枝。至杪始分枝

葉。遙望如傘。又有一種樹。其脂如糖。秋收其子。作餅甚美。土番不

解耕作。非漁即獵。鑿木爲舟。可載四五十人。運獸皮至艾攬彌阿

河口。易白人壞炮鐵鍋白珠藍珠煙葉鐵刀等物。其俗生男女。卽

以物束頭。俾其頂鼻挺直。并塗脂膩爲美觀。間有佩熊爪銅鐲藍

珠白珠者。交易多以女。任人調嬖。不以爲意。又一種番生子。卽以物壓頭。欲其匾。經年始除去之。故亦稱匾頭人。戈攬彌阿河之北岸。卽彎戈洼島土番。食海魚。衣獸皮。歐羅巴人有彌里士者。曾至其地。見其頭目之屋。可容八百人。有飲食者。有坐卧者。儀軀粗莽。以人骨爲飾。五官亦平正。惟以赤土和黑沙塗面。令人望而駭惡。食惟魚。亦有以人爲食者。故市上有人手足。

按米利堅二十六國內地各國。大小不甚懸殊。惟東北濱海數國。壤地甚褊。如紐罕什爾。洼滿的麻沙。朱色士。干捏底吉。紐折爾。西馬理蘭。已不及諸大國三分之一。而洛哀倫。特爾拉華。二國。周迴皆不過百餘里。乃不及諸大國十分之一。此非其分地。



之不均也。當歐人之初闢此土也。人戶先棲託於海墻。各成聚落。後乃漸拓而西。日益墾闢。其國之三大埔頭。摩士敦紐約爾非勒特爾非爾又皆萃於東北。富商大賈之所聚地。雖褊小。氣象固殊。內地各國皆資耕作。幅員易廣。而財力不如海濱之盛。其勢然也。迨華盛頓倡義拒英。各部之豪皆起兵相應。功成之後。舉事者凡十餘部。因卽分爲十餘國。其後有續附者。有新分者。遂成二十六國。皆仍其舊而安之。非裂地而定封也。洛哀倫人戶止十餘萬。特爾拉華止八萬餘。不能因其彈丸黑子。并歸大國。齊魯之不兼邾莒。亦初制則然耳。東方通商諸國。紐約爾最富厚。麻沙朱色士賓夕爾勒尼安次之。緬與勿爾吉尼阿又次之。倭海阿土

沃人殷阡的伊田納西地處中原沃野千里南方諸國濱海西方諸國傍河地利之產運行較便故國多富饒計兩湖之南密士失必大河之東已無不闢之土河西止魯西安納阿甘色密蘇爾釐三國近益以威士干遜衣阿華二部其迤西數千里密林奧草野番所宅開墾不易然生齒日繁何虞土滿數百年後當亦阡陌雲連直抵西海之濱矣數千萬里稼穡之土剖判歷數千萬年閔而不發地不愛寶固如是乎然至今日而筆路啟疆固亦莫能終祕矣

米利堅各國天時和正迤北似燕晉迤南似江浙水土平良無沙磧鮮瘴厲

南方微有瘴氣亦不甚毒

其土平衍膏腴五穀皆宜棉花最良亦最

多英佛諸國咸取給焉。蔬菜果實皆備。煙葉極佳。通行甚遠。山內所出者石炭鹽鐵白鉛。境內小河甚多。米人處處疏鑿以通運道。又造火輪車以石鋪路。鎔鐵汁灌之。以利火輪車之行。一日可三百餘里。火輪船尤多。往來江海如梭織。因地產石炭故也。火輪船必須燃石炭木柴力弱不能用也。英吉利火輪石炭皆自蘇格蘭帶來。

米利堅政最簡易。權稅亦輕。戶口十年一編。每二年於四萬七千七百人之中選才識出衆者一人。居於京城。參議國政。總統領所居京城。衆國設有公會。各選賢士二人。居於公會。參決大政。如會盟戰守。通商稅餉之類。以六年爲秩滿。每國設刑官六人。主讞獄。亦以推選充補。有偏私不公者。羣議廢之。合衆國稅入約四千萬。

圓。文職俸祿四百七十六萬圓。陸路官兵俸餉四百三十萬圓。水師官兵俸餉四百五十七萬圓。雜費三百八十萬圓。開墾土費一千三百萬圓。統領雖總財賦而額俸萬圓之外不得私用分毫。衆國舊亦有欠項。道光十七年一概清還。不復丐貸於民。然緣此公私銀號多歇業。而國家或有不虞之費。無從取給。亦頗受其累云。米利堅合衆國額兵不過一萬。分隸各炮臺關隘。其餘除儒士醫士。天文生。外。農工商賈自二十歲以上四十歲以下。一概聽官徵選。給牌効用。爲民兵。餼糧器械概由自備。無事各操本業。有事同行伍。又設隊長領軍等官。皆有職無俸。每歲農隙集聚操演。其民兵約一百七十餘萬。丁與古人寓兵於農之法。蓋暗合焉。

米利堅合衆國白人皆流寓歐羅巴各國之人皆有之而英吉利  
荷蘭佛郎西爲多三國之中英吉利又居大半故語言文字與英  
同其制土番各畫地授田不准遣徙貿遷工作皆白人其人馴良  
溫厚無驚悍之氣謀生最篤商舶通行四海衆國皆奉耶蘇教好  
講學業處處設書院其士類分三等曰學問研究天文地理暨耶  
蘇教旨曰醫藥主治病曰刑名主訟獄

按南北亞墨利加袤延數萬里精華在米利堅一土天時之正  
土脈之腴幾與中國無異英吉利航海萬里跨而有之可謂探  
驪得珠生聚二百餘年駿駿乎富溢四海乃以培克之故一決  
不可復收長國家而務財用卽荒裔其有幸乎米利堅合衆國


以爲國幅員萬里。不設王侯之號。不循世及之規。公器付之公。論創古今未有之局。一何奇也。泰西古今人物。能不以華盛頓爲稱首哉。



北亞墨利加

南境各國圖









北亞墨利加南境各國

墨西哥

一作美詩哥又作墨是可又作墨西哥又作墨西科又作墨西哥又作麥悉哥又作默西可

北亞墨利加之西

南境也北界米利堅荒地東界米利堅得撒距大西洋海西距大

洋海南界危地馬拉地形漸南漸削由西北而掉於東南長約萬

里極北廣約三千里極南不過四五百里煙山自西北來

此山在米利堅

西界稱落機大山在墨西哥稱煙山因火峯最多故也自危地馬拉以南至南亞墨加之極南境皆稱安達斯大山實則一脈相連長約二萬餘里貫國中如脊火峯甚多大者有四煙酸常灼霄漢地震最

烈陵谷時時易形北境平漫有草無木居民牧牛以百萬億計衣

食皆取給於牛秋高草枯或投鉅曠野中延燒輒數十百里南境

在山東者多沙磧山西土田肥沃百卉繁生西國果實皆備河之

長者曰巴拉窩曰哥羅拉多曰索諾拉曰薩比那迤北頗寒迤南  
濱海一帶炎熱異常內地漸高熱漸減高至四五百丈則和適如  
中原物產無多惟烏木紅木牙蘭米香料而大利則在於銀其山  
產礦最王攻礦之廠三千餘所各國行用番銀出於墨西哥者蓋  
三分之一云初北亞墨利加一土自米利堅以北皆野番雜處不  
成部落惟墨西哥早建爲國有城邑有壇廟有王有官肖物形而  
作字有律例地有廢城極大云是千餘年前古跡不知何代何名  
也明宏治初西班牙遣可倫探尋新地知墨西哥爲金穴又稔其  
國無備正德十四年遣其將哥爾德斯率兵攻之震以炮火墨西  
哥潰敗國遂爲西班牙所據西人連鯨西來入山掘礦流布雜居

戶口日益繁盛。每歲得番銀一千數百萬圓。西班牙以此驟富。乾隆末年。華盛頓畔英吉利自立爲米利堅國。墨西哥羨之。嘉慶十五年。畔西班牙。西班牙征之九年。方克復。甫一歲。又畔。立部人義都爾比達爲王。道光三年。廢國王。分爲十五部。各推擇官司理事。近年又分爲二十三部。其制大畧倣米利堅。而疆界未定。法制不立。諸部不免內訌。與米利堅有治亂之分焉。

墨西哥本西班牙所改建。故語言文字與西班牙同。其人分三種。一曰西人。皆西班牙流寓。實爲地主。戶多殷富。俗尙奢靡。錦衣駿馬。遨遊都市。一曰土人。面紫色。匾鼻大骨。以耕田爲業。資蔬菜以餬口。家多貧乏。不飲酒者恆壽考。西人徵其口率之賦。而不與之。

往來。一曰雜人。白黑人嫁娶所生。居民共計八百萬丁。皆奉天主教。大部十九首。曰墨西哥。在南境。跨大山之東西。都城在其中。曰達拉爾。般傑。構雲連。殿堂整肅。居民十二萬。其地山川秀發。花樹繁茂。風景清絕。惟地形低窪。湖瀦漲溢。時受水患。次曰給勒打羅。曰瓜那叔阿多。會城皆同名。曰迷刷干。會城名瓦拉多黎。曰沙黎斯哥。會城名瓜達拉沙喇。曰薩加德架。會城同名。曰索諾拉。會城名維拉德佛爾的。曰濟華花。曰都郎額。會城皆同名。曰卓哈回拉。會城名蒙哥羅瓦。曰新良。會城名蒙德勒。曰達毛黎巴。會城名阿瓜約。曰桑盧意斯波多塞。曰委拉古盧斯。曰布委巴拉。曰華沙加。會城皆同名。曰濟阿巴。會城名盧達勒阿爾。曰巴達斯哥。會城名

三的阿各曰于加敦。

一作于各單  
又作宇革單

會城名美里達。小部四曰加里

佛爾尼亞。會城名桑加爾蒙德雷。曰新墨西哥。會城名三達非。曰

達拉斯加拉。曰哥黎麻。會城皆同名。瓜達拉沙喇城附近銀山。礦

徒所萃。居民七萬。英佛諸國富商多出資開礦。厥然費用浩繁。獲

利無幾。亞加補羅可西地之大海口。昔時西班牙每歲有商船來

此貿易。取道於南亞墨利加。鉄耳聶離之南。風濤極險。自西班牙

棄地之後。帆檣絕蹟。生意微矣。眞十字架東地之大埔頭。建於沙

灘。敞闊無港澳。海船停泊。往往遭風擱淺。然貿易極繁盛。

按南亞墨利加西畔各國。舊皆西班牙屬藩。而以墨西哥爲綱。

領墨西哥。自古建國不同。米利堅之榛狁。西班牙豔其寶藏。奪



而有之。由此銀甕東來。享其利者數百年。自古長駕遠馭。必氣力足以包舉。而後長爲我有。聲威一挫。不免生心。西班牙自遭佛郎西之禍。內變迭生。衰亂日甚。境內或稱勝。廣海外安問。巽佗微米利堅之先導。墨西哥諸國其能終爲西人有乎。墨西哥擁土自擅。全效米利堅。而治忽殊途。顯晦異轍。則無華盛頓其人。以爲之渠也。立國規模固全在乎初始之人哉。

得撒。

一作德沙  
又作特極

又名費勒多尼亞。在墨西哥之東。米利堅之西南。

南面距海。長廣皆約千里。地平如砥。田土極腴。草木暢茂。穀果皆宜。巴拉窩河由此入海。地氣溫和。可居。惟煙戶尙稀。奧草叢林中。有瘴氣。舊本墨西哥曠土。康熙二十六年。佛郎西人嘗欲開其地。

事未果。康熙三十二年。西班牙人據之。米利堅無業游民亦磨至。後墨西哥。西班牙得撒亦效之。附於墨西哥之卓哈回拉部。道光九年。昨墨西哥。墨西哥征之六年。不能服。乃聽其自立爲國。無國王。推擇官司理事。分爲二十七小部。曰阿拉巴麻。曰巴刺塞里亞。曰哥羅拉多。曰古曼治。曰哥里牙。曰公薩勒。曰阿黎斯不里。曰厚斯敦。曰倭斯卑爾。曰日非勒孫。曰刺巴加。曰黎卑爾的。曰麻的。疴爾達。曰迷那。曰迷蘭。曰米那。曰那哥多士。曰勒黎委爾。曰勒夫。日約。曰薩比那。曰三達古斯的音。曰三當多尼亞。曰桑非里卑。曰桑巴的。黎西約。曰達那哈。曰達拉委。曰瓦盛敦。都城曰奧斯的音。建於巴拉索河濱。貿易頗盛。土產以木料爲主。

危地馬拉。在墨西哥之東南。地形愈狹。亘隔於兩海之間。自西北而東南。長約三千六百里。廣處約千里。地形中高外坦。安達斯山通貫如脊。火峯甚多。有晝夜不熄者。有忽吐忽熄者。西境炎熱。人多患瘡。東境溫平。可居。惟地震頻仍。時虞覆壓。地本屬西班牙。迨墨西哥畔西班牙。危地馬拉附墨西哥。後墨西哥廢國王。危地馬拉於道光四年。自立爲國。不屬於墨西哥。近年分爲五國。各推官司理事。不立國王。曰危地馬拉國。長約一千里。廣約四百里。會城名新危地馬拉。曰桑薩爾瓦多耳。國地形曲折。難計里數。會城與國同名。曰關都拉斯國。長約一千二百餘里。廣約五百里。會城名哥麻牙瓜。曰尼加拉瓜國。長廣皆一百八十里。會城名良。曰哥斯

德爾黎加國。東西約六百里。南北約四百里。會城名桑若塞。五國土皆膏腴。穀果豐碩。產金銀珍珠琥珀雲母木料顏料香料藥材牛皮。○危地馬拉濱海諸山產材木極堅緻。價甚貴。英人結隊入山搜採。業此者四千餘人。

危地馬拉之東南爲南北亞墨利加連界之地。名巴拿馬。


地屬可倫比亞

以一綫界隔兩海。闊僅六十里。泰西人謂能將此土開爲海道。則東西兩洋混爲一水。掛帆而西。直抵中國之東界。便捷甚矣。然地梗山脊。疏鑿不易。泰西人亦僅存其說。未能興此大役也。

按歐羅巴至中國道途之紆遠。阻於阿非利加紅海地中海之間。隔蘇爾士旱路一百七十里。若疏爲海道。則水程減二萬里。

米利堅至中國。道途之紆遠。阻於巴拿馬片土。若疏爲海道。則西行而抵中國之東水程當減三萬餘里。兩土之人謀疏鑿者非一日矣。然開河道易。開海道難。且兩地之限隔。天地之所以界畫東西也。今欲以人力鑿之。不亦慎乎。

南亞墨利  
加各國圖



南亞墨利  
加巴西圖





南亞墨利加各國

可倫比亞

一作可倫巴又作金加西臘

南亞墨利加極北境也。西北至巴拿馬。

與危地馬拉接壤。北距大西洋海。西距大洋海。東界英吉利新地。

東南界巴西。西南界祕魯。縱橫皆約五千里。西境安達斯大山。疊

峙。有高峯二百餘丈。又有火峯。時吐煙燄。東境平原廣坦。河道縱

橫。以阿利諾馬加他爲最大。海濱酷熱。水土不馴。內地漸高。溫平

可居。明宏治十五年。西班牙遣其臣可崙尋新地。先取此土。建三

部。曰新加拉那大。

金加西臘卽新加拉那大之訛

曰加拉架。曰基多。各置大酋領。

之嘉慶十五年。部人波里瓦爾率衆逐西班牙三部守臣。構兵八

年。西班牙不能克復。遂自立爲可倫比亞國。道光十一年。仍舊三

部分爲三國。曰新加拉那大。曰厄瓜爾多。曰委內瑞辣。各有酋長。不相統屬。戶口不繁。半皆西班牙流寓。俗偷惰。好賭博。田屋蕩盡。勿悔。男女皆衣素。伉儷最篤。婦女不許人面。或閭觀。則挾刃相仇。土人別爲種。族性悍獷。而陰狠。地產加非白糖。煙葉。靛餅。山產銀銅。銀有四坑。取之不竭。河產金沙珍珠寶石。○新加拉那大國在西北境。由巴拿馬一綫。與北亞墨利加相連。長約三千里。廣約二千五百里。地氣濕熱。北方爲甚。田土腴沃。物產豐饒。地分十八部。曰波哥大。都城建於平原。與部名同。曰安的育基亞。會城名墨德。零曰內巴。會城同名。曰馬黎濟大。會城名紅大。曰波巴馬。曰巴斯。多會城皆同名。曰不哀那溫都拉。會城名義斯官德。曰說各會城。

名基波多。曰巴拿馬。會城同名。曰委拉瓜。會城名三。的亞哥委拉瓜。曰加爾達日那。曰蒙波士。曰三達麻爾大。曰里約合拉。曰冬日。曰邦不羅那。曰索各羅。會城皆同名。曰加薩那勒。會城名波勒。厄瓜爾多。在新加拉那大之南。南界祕魯。東接巴西。縱橫皆約三千里。西界有連山。餘多平壤。地氣溫平。土田腴沃。貿易繁盛。地分八部。曰比晉乍。都城建山谷中。名基多。曰井波拉索。會城名約里邦巴。曰英巴不拉。會城名義巴拉。曰瓜亞基爾。會城同名。曰馬那比。會城名波爾多維也。若曰官加。曰羅沙。曰倭音。會城皆同名。委內瑞辣。在二國之東南。界巴西。長約三千五百里。廣約二千五百里。大河橫帶國中。河北多平原。炎熱殊甚。河南多山。溫和可居。

土田。廩厚。物產極豐。地分十二部。曰加拉架。都城建山谷中。與部  
名同。曰加拉波。波會城名瓦梭西亞。曰馬拉該波。曰哥羅。曰都盧。  
詩羅。曰美黎達。曰瓦黎那。會城皆同名。曰亞不勒。會城名亞沙瓜。  
曰瓜牙那。會城名昂哥斯都拉。曰古麻那。曰巴爾塞羅那。會城皆  
同名。曰馬爾加黎大。會城名亞松桑。

祕魯。

或作厄魯一作孛露  
又作佰路又作北盧

南亞墨利加名國也。舊與玻利非亞合

爲一國。今分北界可倫比亞。東界巴西。南界玻利非亞。西距大洋  
海。長約五千三百里。廣約二千六百餘里。安達斯大山自西北來。  
環國之西界如帶。山以西浮沙浸海。斥磧不毛。山以東橫嶺錯出。  
拓爲平原。或高於平地百餘丈。故山下炎蒸而嶺上恆積冰雪。其

間膏腴之土。蔬穀皆宜。因地產金銀。舉國以攻礦爲業。農事全荒。恆苦饑饉。其地自古爲土番建國。風俗與墨西哥可倫比亞同。西班牙旣得可倫比亞。聞祕魯銀礦尤王嘉靖三年。命比薩羅亞爾馬哥羅等懸軍深入。軍士或顛墜層崖。或失路餓死。顧以大利所在。堅不肯舍。已而抵其國都。番王不識戰鬪。懾於炮火。竄伏不敢與爭。國遂爲西班牙所據。西人羣來攻礦。生聚日繁。鎮以大酋。歲收金銀益國用。所得多於墨西哥。嘉慶十三年。西班牙爲佛郎西所困。屬藩多畔。祕魯欲畔而畏西班牙兵多。猶豫不決。道光元年。與智利合兵。逐西班牙守者。遂自立爲國。推擇長官理事。不立國王。居民皆西人。苗裔善待遠客。溫謫可親。惟好逸好賭。與可倫比

亞同俗貿易諸事。倩他國人爲之。土人爲西人所制。艱於衣食。能釀酒。終日沈醉。其物產金銀之外。兼產銅鉛水銀胡椒甘蔗棉花藥材樹膠顏料香料。地分七部。曰利馬。都城建於利馬河濱。與部名同。曰阿勒基巴。曰不諾。曰古斯。各會城皆同名。曰阿牙古。說會城名瓜忙加。曰入凝。會城名華奴哥。曰利卑爾達。會城名都盧詩羅。

玻利非亞。

一作摩里威那。又作波里維亞。

又名高祕魯。在祕魯之東南。東北界巴

西。東南隅界巴拉圭。南界拉巴拉他。西南隅界智利。西距大洋海。縱橫皆約三千里。安達斯山大幹走西界。別支分歧入東界。在西界者火峯不熄。在東界者峭削參天。常積冰雪。土壤西瘠東腴。地

氣風俗物產與祕魯同。其地與祕魯舊本一國。俗名高祕魯而呼祕魯爲下祕魯。道光五年乃別立爲玻利非亞國。自推擇長官不立國王。分六部。曰朱基薩加。都城建於平原。名乍爾加斯。曰巴斯會。城名巴斯達牙古叔。曰疇魯羅。曰波多西。曰哥沙邦巴。曰三達古盧斯。會城皆同名。波多西銀礦最王。自西人初開至今得銀七萬二千萬有奇。

按孛露

卽祕魯

爲南亞墨利加著名之國。泰西人著書早豔稱之。

以其爲金穴也。其民謂地中有寶。不屑耕稼。故上壤鞠爲茂草。有懷金而啼饑者。米利堅產穀棉。而以富稱。祕魯諸國產金銀。而以貧聞。金玉非寶。稼穡維寶。古訓昭然。荒裔其能或異哉。



智利

一作濟利  
又作治里

在玻利非亞之西南東阻安達斯大山隣拉巴拉

他西距大洋海東南接巴他義拿地形狹長如帶南北約四千五  
百里東西約四百餘里東面峻嶺橫雲高處常積冰雪有火峯數  
處多地震海岸高下時時易形山產金銀銅礦每歲得銀八十餘  
萬兩得黃金值銀五十餘萬兩紅銅尤多山西沿海一帶土田肥  
沃五穀蔬菜果實皆宜其民雖多攻礦而以農功爲重故夙稱富  
庶異於祕魯之荒本逐末初西班牙旣獲祕魯嘉靖十五年命亞  
爾馬哥羅進攻智利土人拒戰不肯降越四載復命瓦爾的維亞  
進攻得地無幾嘉靖三十年瓦爾的維亞爲阿老干人所殺西班牙  
牙以其所得之地附祕魯阿老干者智利別部之最強者也乾隆

三十八年。西班牙始滅智利。得其全土。而阿老千一部始終未附。智利幅員褊小。非祕魯諸國比。然土沃鑛旺。西班牙獨珍視之。嘉慶十五年。西班牙爲佛郎西所困。亞墨利加諸藩部皆畔。智利亦閉境自專。後西班牙以大隊伐之。智利兵敗。求援於拉巴拉他。拉巴拉他助以兵力。西班牙始退去。其民俗溫和好客。女有姿容。善音樂。地分八部。曰散地牙。其都城建於多波加爾馬河岸。深林之中。與部名同。曰阿公加瓜。會城名桑非里卑。曰哥固英波。會城同名。曰哥爾乍瓜。會城名古黎各。曰卯勒。會城名高給尼斯。曰公塞桑。曰瓦爾的維亞。會城皆同名。曰濟盧哀。會城名桑加爾盧斯。按西洋諸國行用番銀。成色高者。歐羅巴。印度所鑄。其常行者。

分四種曰墨西哥曰祕魯曰玻利非亞曰智利成色高下不同  
粵東人能辨之閩人不能辨也但稱爲呂宋番又稱鷹仔番

拉巴拉他

一作孛臘達又作巴拉大河又作由乃的朴拉文士士

在智利之東隔以安達斯

山北界玻利非亞東界巴拉圭烏拉乖東南距大西洋海西南界

巴他我拿長約四千五百里廣約二千里境內有大江與國同名

北里可馬若伯默若兩河匯之由東南入大西洋海海口闊九十

里西北有山嶺餘皆蕩平如砥舊本野番部落明正德四年西班牙

牙命索利斯攻取之鎮以大酋其地荒草無垠雜以荆棘叢林西

班牙人初至其地以北牡牛數十縱之於野歲久孳息不知幾千

萬億四境之內皆野牛居民七十萬耕作者少但以捕牛爲業食

其肉寢其皮製其骨爲器皿地亦有馬騎馬馳草莽中以逐牛海  
口通商甚廣出入貨價每歲以數千萬圓計皆牛皮所交易也嘉  
慶十三年部人逐西班牙守者自立爲國效米利堅推擇統領稱  
兼攝亞墨利加國然法制不立規模草草亦終於蠻荒而已地分  
十四部曰不宜諾塞利一作捕諾愛勒都城建於巴拉大河濱與部名同  
曰音德勒里約斯會城名巴沙大曰哥連德曰三達非曰哥爾多  
瓦曰三的牙哥尼斯德羅曰都古曼曰薩爾達曰如銳曰加達馬  
爾架曰里約倭曰桑若漢曰桑盧意斯曰門多薩會城皆同名  
巴拉圭或作巴拉乖又作巴拉吾愛南亞墨利加小國也間於巴西拉巴拉他  
之間長約一千七八百里廣約八百里地形斗絕內拓平原湖河

淤灌土多腴沃。明嘉靖五年。意大里人塞巴斯德。央加波初開其地。越九載。爲西班牙所奪。界天主教師管理。不設官。乾隆三十二年。逐天主教師。隸於拉拉他。迨拉拉他畔西班牙。巴拉圭亦自立爲國。時有歐羅巴文士居巴拉圭。巴拉圭人推爲酋長。其人陰鷲有權畧。詰暴除奸。土人畏服。國雖小而張甚。隣不敢侵。地分二十小部。部名未詳產牙蘭米。甘蔗。棉花。藍靛。煙葉。繭蜜。大黃。血竭。桂皮。又產土茶。啜之能醉人。

烏拉乖在巴拉圭之南。東界巴西。西南距大西洋海。西北兩面界拉拉他。長一千二百五十里。廣一千三百里。南方山阜紆蟠。北方則平原坦闊。內哥羅塞波拉的巴拉大烏拉乖諸河交貫。田土肥

饒物產極豐。舊本拉拉他地。後爲巴西所奪。名曰昔斯巴拉的。那道光六年。部人畔巴西。自立爲國。推擇官司理事。分九部。曰蒙德維罷。其都城也。曰馬爾多那多。曰加內羅內斯。曰桑若塞。曰哥羅尼亞。曰索黎亞奴。曰白三都。曰都拉各奴。曰塞盧拉爾病。

巴西

一作巴悉。又作伯爾西。又作巴拉西利。又稱布拉熱爾。

南亞墨利加大國也。地居南亞。

墨利加一洲之半。北東兩面距大西洋海。西北界可倫比亞西界祕魯玻利非亞。西南界巴拉圭烏拉圭。縱橫皆約九千里。地勢平曠。間有山嶺紆盤。亦不甚高。江河多而長。最大者曰亞馬孫。自西而東。口門似海。曰凡悉。自南而北。曰烏路愚愛。自北而南。兩河之大。亞於亞馬孫。皆流入大西洋海。其餘小河不可勝數。明宏治十

三年葡萄牙人伯得祿阿爾瓦里斯探得其地。見其土沃而曠。徙國人墾闢之。後葡萄牙爲西班牙所并。巴西亦爲荷蘭所奪。鳩居五十餘年。葡萄牙復國後。悉銳渡海。逐荷蘭人。益開阡陌。買阿非黑奴助耕作。生聚二百餘年。遂爲海西大部。產棉花白糖煙葉。加非可可。二物果名可代茶飲紅木牛皮藥材。又出金沙金剛鑽各色寶石。地力甚厚。百穀皆宜。惜戶口未繁。農作不力。已墾之土。不過半之二三。餘則蓬蒿雜。選林莽。陰翳奇形之獸。不知名之鳥。恢譎之蟲。蛇飛走出。沒於其間。雖有珍異之產。掩於穢墟。無由自獻。西人惜之。嘉慶年間。葡萄牙王爲佛郎西王拿破侖所逼。逃至巴西。佛師退。歸國尋卒。其子伯德祿畱王巴西。遣女歸王葡。王不諳巴俗。巴西

人迫王歸葡立其世子爲王國之貴人相助爲理由是別爲海西

大國不屬於葡萄牙其國至道光年間戶口約四百萬葡人八十

萬雜類四十萬白黑人嫁娶所生黑民十五萬黑奴子孫贖爲民者黑奴百餘萬土

人暨遠方各國之人七十餘萬葡人多及時行樂遊燕自娛力作

皆黑民爲之養之甚厚故無叛逃地分十八部曰里約熱內盧一作

牙匠羅都城建於海濱與部名同廷廟峻麗市廛環匝百貨填溢學

館醫院皆備人戶一百五十萬商船蟻集爲通國大埔頭海門廣

闊風物清美商旅羨爲樂土曰勝寶盧會城同名曰三達加達里

納會城名德斯德羅曰勝伯德祿會城名伯爾達勒給勒曰馬的

噶羅索曰痾阿斯會城皆同名曰迷那日來斯會城名額羅不雷



多曰斯不黎多三多。會城名維多里亞。曰巴義亞。會城同名。亦大埔頭。夙稱富庶。居民好賭成俗。盜賊肆行。時殺人於昏夜。曰塞爾日貝。會城名勝基利斯多望。曰阿拉疴瓦斯。會城同名。曰伯爾能不。各會城名勒西非。居民七萬。地平坦。豐草叢林相雜。其民騎馬獵野牛爲生。與拉巴拉他同俗。曰巴來罷。會城同名。曰北里約哥蘭的。會城名達那里。曰西阿拉。會城同名。曰標意。會城名疴滅辣斯。曰馬拉娘。會城名勝盧義斯。曰加郎巴拉。會城名伯零。巴國腹地產金沙鋼鑽寶石。其民陟嶽沒河。搜尋寶藏。不務農功。往往絕糧。餓死。土人悍獷。近獸。戶口甚稀。

巴西北境濱海。地名歪阿那。

一作古牙那

有三國所關新地。佛郎西新

地在東曰加夜那長約一千六百里廣約一千一百里產丁香番  
木其地叢林密匝瘴氣最毒到者輒染病死佛國免死罪人流徙  
於此荷蘭新地在中曰蘇利南長約七百五十里廣約六百五十  
里會城曰巴拉馬利波地多水澤產白糖加非貿易頗盛黑奴多  
逃入山林誘土番爲盜劫英吉利新地在西與可倫比亞連界長  
約一千里廣約三百八十里本荷蘭所闢地英人奪而有之分三  
部曰特默拉拉曰義斯給波曰北爾彼塞土雖沃而半屬塗泥英  
人募阿非黑人來此修田工費太鉅獲利無幾亦產白糖加非  
巴他峩拿一作八的哥尼阿又作智加又作巴羅彌那南亞墨利加之極南境卽世所  
傳之長人國地形如襪北界拉巴拉他智利東距大西洋海西距

大洋海南距南海南北約三千餘里東西半之其地草木荒穢人皆野番肢體長大如常人一身有半遍體生毛攫食野獸不成部落亦不與他國往來地氣嚴寒如北亞墨利加之北境又別無物產故歐羅巴諸國括地至此未嘗過而一問也極南臨海之地水雪常凝對峙一島曰鐵耳聶離依休勾中隔一港曰麥哲論昔時商船駛往智利祕魯者由麥哲論港西行因港內多礁近年率取道於鐵耳聶離之南狂風迅烈昏霧迷漫濤龍之猛惡倍於大浪山舟過人人額手喜若更生

按泰西人所記四大土人民惟巴他義拿土番肢體長大異於別種然亦不過高於常人一身之半較長狄之身橫畝眉見軼


者。猶。相。懸。萬。萬。也。此。外。黝。黑。如。阿。非。利。加。醜。怪。如。東。南。洋。各。島。  
野。番。亦。不。過。白。黑。妍。媸。之。別。而。五。官。四。體。要。無。大。異。乃。知。長。耳。  
比。肩。之。民。飛。頭。貫。胸。之。國。古。人。故。爲。恢。奇。之。說。而。世。或。從。而。信。  
之。不。亦。偵。乎。



亞墨利加海

灣羣島圖

大洋西海









南北亞墨利加海灣羣島

北亞墨利加之南。南亞墨利加之北。細峽相連。自西北而東南。作  
灣環外向之勢。其東北有大小數百島。星羅碁布。西北起米利堅  
佛勒爾勒釐部之東南隅。東南迄可倫比亞之東北隅。作灣環內  
向之勢。兩灣中間之海。名曰加勒前明中葉。西班牙遣可倫駕船  
覓新地。地無主名。夙聞海外有五印度國。卽云欲到五印度。西行  
數月。忽睹羣島。譁然以爲抵印度矣。遂稱之曰西印度。而不知印  
度在東方。與羣島無涉也。西船初到時。擇羣島腴壤。開設埔頭。誘  
交土番謀墾。開後察知土番昏惰。又強不可使。遂以兵力勦鋤。無  
子遺。別買阿非利加黑奴。墾田播穀。農務漸興。其後復得墨西哥

祕魯諸大國歲致金銀數十百萬視羣島如敝屣不屑經營久之  
爲海盜所據出沒剽掠商旅患之已而歐羅巴諸國接踵西來紛  
紛爭據羣島遂各有所屬西班牙之外曰英吉利曰佛郎西曰荷  
蘭曰噠國曰瑞國羣島氣候極溫與亞細亞南海諸島相似島之  
大者多有火峯火漿時時迸流地震頻仍每秋冬暴風驟起沙石  
俱飛所產者棉花酒白糖加非可可子

西班牙屬島曰古巴在佛勒爾釐之南地形狹長東西二千七  
百里南北約五百里羣島之最大者岡陵重疊土壤腴厚物產豐  
盈西人昔時不甚措意近來藩國皆叛僅餘此島乃珍重培養倚  
爲外府居民七十萬內黑奴二十八萬產白糖加非酒煙金銀銅

鐵水晶吸鐵石。每年運出之貨。值二千萬圓。地分三部。曰西部。會城曰哈瓦那。居民十萬。所造之煙最香烈。諸國爭購之。曰中部。會城曰三達馬里亞。曰東部。會城曰三牙額。○又一島曰波爾多黎各。又名貴港口。在海地島之東。長約五百里。廣約一百五十里。地不廣而物產尤豐。力作皆白人。黑奴甚少。每歲運出之貨。值銀二百四十萬兩。

英吉利屬島。牙買加較大。在古巴之南。島有山。山下溪澗縱橫。足資灌溉。土又膏腴。故其地農功最盛。舊會城遭地震風災而毀。新立會城曰京敦。迤西有巴巴突島。白人所居。其土磽瘠。○東方之島。總名安的列斯羣島。曰安地禺亞。曰吉英。人舊所據守。曰多米

尼加曰多巴。我英人新創。又特尼答島較大。附近可倫比亞東北隅。此外附近各小島尙多。英人擇要戍守。各島物產饒裕。居民多有餘資。競起樓閣。時時宴飲。○北方有巴哈麻羣島。又迤東有百爾慕他羣島。大小凡數百島。氣候溫晴。而物產殊少。無可貿遷。故英人不甚重之。

佛郎西屬島。在安的列斯羣島之中。曰馬耳的尼加。曰瓜他鹿。兩島最大。此外尙有八島。物產豐饒。貿易最盛。每年出入貨價約二百餘萬兩。其地山青水澈。多名花異鳥。風景之佳。爲海西羣島之冠。

海地島。在古巴之東。東西約一千五百里。南北約五百里。明宏治

五年西班牙遣可倫探尋新地。初抵此島。名曰義斯巴尼約拉。後  
西班牙據其東偏。佛郎西據其西偏。多買阿非黑奴力作。年久繁  
衍。黑奴凡四十餘萬口。而佛人僅萬餘。佛人待黑奴寡恩。黑人怨  
之。乾隆五十六年。佛有內難。黑奴黠者約期同發。各殺其主。佛人  
萬餘殲戮無遺。西班牙人居西偏者。亦逃竄別土。黑人遂推雄者  
爲酋。佛以其寫達亦未暇西討也。地分六部。曰波爾德比。其都城  
也。曰加也斯。曰亞爾的波尼的。曰加不挨頭。曰三的亞額。曰三多  
明各斯。道光二十二年。都城地震。壓斃數千人。其地物產豐厚。農  
作不力。每歲運出貨價值二百七十萬兩。

按阿非利加黑夷好畧賣人口。歐羅巴諸國以其憤而馴能力

作競買爲奴。迨歐人西辟亞墨利加諸島國。苦於土滿。本國流寓不足。以資耕作。土人又悍不受役。於是多買黑奴。驅之墾畝。如牛馬然。葡萄牙尤以販買黑口爲利。相沿數百年矣。黑人雖混沌然。與歐人雜居日久。七竅亦已漸鑿。西葡諸國待之有恩。故未生變。佛人性高亢。視黑奴如草芥。踐踏無忌。黑奴之悁悁含忿。欲傳刃於其腹中者。非一日矣。一聞內變。操戈並起。萬戶聚殲。不遺噍類。語云。蠱蠱有毒。信哉。近年英吉利嚴申厲禁。以多金贖放黑奴爲民。前後費銀數千萬圓。且以兵船巡海上。捕販賣者。米利堅亦多所贖放。並於黑奴故土買地安插。固兩國之好行其德。抑亦有懲於佛人。不欲斂怨於異族。沽慈惠之聲。

弭肘腋之變。其爲謀誠深遠矣。

荷蘭屬島。在安的列斯者有七。地褊狹。無大權。每遇諸國兵爭。不暇榷稅。各島乘機販鬻。恆獲倍蓰之利。

噠國屬島。在安的列斯者有三。近年效英米。以釋放黑奴爲德政。瑞國有小島。在安的列斯羣島中。曰桑巴爾多羅美。地褊狹。貿易甚微。

按亞墨利加兩土。縱橫數萬里。海灣羣島。一拳石之多耳。然古巴海地兩大島。比中國之臺瓊。其餘各島。亦多腴壤。歐羅巴人極意搜求。得片土。卽經營墾拓。遂使萬古窮荒之僻島。無不獻之精華。其能事曷可少哉。



